

東史纂要卷之二







機或車馬圖小吏計冒劍術圖東省出火代動莊吏  
 派率兵燒萬車燹米賦二萬四千箱可長平禦水重  
 備之日當怯殆以隔籬將軍意欲是與金二問等凡  
 之與計曰臣受國家重寄決不竊襲今日畏矣臣盡  
 兵不至豈又不繼王其圖之王問羣臣皆以幾人饋  
 拜受命始頗也或萬里難長掛所日緬且而王之對  
 高公顯痛條羅王帽諸紙會外王妹書家衣墨辭曰  
 文天祥  
 帝畫籙衣衣飾水割三十三年兵外

西此條羅餘

東史卷之三



東史纂要卷之三

新羅紀

新羅紀

諱法

帝遣蘇定方領水陸三十五道兵伐

高句麗諭新羅王帥諸將會伐王移書定方還報曰

我受命討賊涉海萬里艤舟徘徊已踰月而王之援

兵不至糧又不繼王其圖之王問羣臣皆以跋八難

之庾信曰臣受國家重寄死不辭難今日是老臣盡

節之日當赴敵以副蘇將軍意於是與金仁問等九

將率兵數萬車載米租二萬四千餘石赴平壤冰雪

凝洄車馬僵仆庾信冒險前驅衆皆出死力僅達庾

信欲先報定方而難其人召麾下步騎監裂起激以忠義遂與仇近等十五人冒矢石至唐營以定方謝書還往迴俱兩日會帝有詔班師庾信亦還麗兵欲要擊之庾信以鼓繫牛腰桴繫牛尾使揮擊有聲又積柴草燃之使烟火不絕示若屯宿然夜半潛行麗兵覺而追之庾信拒戰萬弩俱發諸幢將士分擊敗之斬萬餘級虜五千餘人得兵械數萬師還論功庾信言於王授裂起近仇沙殄百濟武王從子福信起兵與淳屠道瑛據周留城迎立義慈王子豐嘗質倭首西北部皆應圍劉仁願於熊津城帝詔以郎將劉仁

軌將王文度軍發新羅兵救仁願仁軌與羅兵合擊  
之福信釋圍退保任存城福信殺道瑗并其衆以真  
峴城險絕加兵守之仁軌夜督新羅兵薄城斬殺八  
百餘人遂通新羅饗道仁願奏請益兵詔遣將軍孫  
仁師率兵四十萬就熊津以益仁願之衆新羅王率  
金庾信等二十八將與之合勢士氣大振共擊周流  
城豐脫身走奔高句麗王子忠勝等帥其衆及助戰  
倭人皆降獨遲受信據任存城城險糧少攻之三旬  
不下有常之者百濟西部人驍毅有謀略當義慈之  
敗與左右十餘人遯去嘯合逋依任存山自固不

旬日遂復二百餘城與別部相如據險以應福信至

是帝遣使諭降仁軌待以赤心訖用其謀取任存城

悉平之常之入唐為燕然道大總管擊突厥無新

**新羅**王四年甲子下教國中男女之服並同中國

王與勅使劉仁願熊津都督扶餘隆同盟于熊津之

就利山其誓詞劉仁軌之辭也仁軌領新羅使者

及百濟耽羅倭人四國使浮海西還隆畏衆攜散亦

歸京師後唐以隆為帶方郡王遣歸國安輯餘衆隆

畏新羅不敢入舊國寄治高勾麗死高勾麗泉蓋

蘇文苑子男生代為莫離支官其弟男建殺男生之

子獻忠自爲莫離支討男生男生走保國內城遣子  
獻誠于唐求內附○高勾麗王二十七年唐以李勣  
爲遼東道行軍大總管劉仁軌郝處俊副之徵兵於  
新羅伐高勾麗薛仁貴爲前鋒拔扶餘城扶餘川中  
四十餘城皆請降侍御史賈言忠奉使自遼東還帝  
問軍事對曰必克昔先帝問罪所以不得志者虜未  
有覺也諺曰軍無媒中道回今男生兄弟鬪狠爲我  
鄉導虜之情僞我盡知之將忠士勇故曰必克且高  
勾麗秘記曰不及九百年當有八十大將滅之高氏  
自漢有國今九疑七百年勤年八十虜仍將飢地震



裂狼狐八城蚡穴於門人心危駭是行不再舉矣勸  
進拔大行城諸城降者相繼新羅仁問天存等領一  
善等七郡兵先赴唐營王繼發令諸道總管領兵從  
之以金欽純仁問爲將秋七月王次漢城州兵凡二  
十萬與唐軍合圍平壤城月餘男建閉門拒守以軍  
事委浮屠信誠信誠密遣人詣勸爲內應開門勸縱  
兵登城遂拔之男建自刺不死王臧降高勾麗遂囚  
李勸以王臧及子福男德男大臣等二十餘萬還京  
師李勸將八京帝命先以王臧等獻昭陵具軍容奏  
凱歌獻于太廟男建流黔州分高勾麗五部百七十

六城六十九萬餘戶爲九都督府四十二州百縣置  
安東都護府於平壤以大將軍薛仁貴留鎮撫之移  
三萬八千三百戶於江淮之南及山南京西諸州空  
曠之地留其貧弱者使守安東

右高句麗自始祖東明王高朱蒙年二十二歲  
以漢元帝建昭元年甲申都平本扶餘國號高  
句麗在位十九年瑠璃王癸亥移都國內城山  
上王癸亥移都丸都東川王丁未移都平壤故  
國原王辛丑復都丸都癸卯移都平壤東黃城  
長壽王丁卯移都平壤城平原王丙午移都長

安城寶藏王戊辰唐高宗總章元年唐兵合新

羅兵攻拔平壤而合二十八王共七百五年

國內城在鴨綠以北安市城或云九都城在鴨綠之東北遼東之東南東黃城在今西京木覓

山中又平壤亦謂之長安

史氏按始祖以英雄之資見忌於金蛙諸子逃難

至平本披草萊建邦國未遑制作然威德日盛歸

附亦眾降松壤斥靺鞨取待人滅沃沮雄據一方

虎視三韓何成功之易也琉璃以遺腹在他國其

承襲難矣幸而得嗣降鮮卑滅梁貊闢國浸廣然

積小罪而誅二臣惡好勇而殺太子是可歎已大

武英明雄武拔恠由於微賤委豆智以軍國仇都  
以貪鄙被斥教素以智能見褒征蓋馬滅樂浪扶  
餘奔竄而自避勾茶畏威而來降恢拓土宇國勢  
愈昌獨惜乎信夫人之讒有子如好童之賢而尚  
不自明以至於死跡其行事其晉獻之流乎閔中  
方亟宴樂遊畋享年不永慕本暴戾不仁戕殺諫  
臣其得善終難矣太祖享國九十餘年耄荒倦勤  
付托夫人禍及忠臣愛子雖有關土強國之功何  
足道哉次大以寵弟窺伺大器積有年紀及嗣位  
尚不悅心恣行誅殺天道好還其及也宜矣新大

逃難出亾國人歸心推戴立之宜先明答夫弒逆  
之罪以伸大義也而德其援立之功反寵任之故  
國川以英明之資奮有爲之志誅權女訪遺逸聘  
巴素於草澤擢爲國相推誠委任又賞舉者誠衰  
世未有之盛舉然後嗣不定死肉未冷于妃淫穢  
濁亂房闈山上烝于妃得國瀆亂天倫所可道也  
言之醜也東川天性寬仁有人君之量奈何悞忠  
臣之諫侵犯上國驟勝輒驕及其一敗竄身狼狽  
幾於亾國乎中川雖無德可稱而能辨寵姬之誣  
殺之不疑何其斷也西川禦肅慎拔檀盧諸部震

懾晚年猜忌推刃同氣烽上闖狠尤甚殺叔及弟  
復諫自恣峻宇雕墻民困虐政卒及於禍美川早  
遜荒野備嘗艱險宜有德慧術智矣而無德可稱  
徒以侵犯上國爲事故國原值慕容之變奔敗鼠  
竄母妻見虜父尸亦發城郭宮室焚蕩殆盡旄倪  
珍寶輸掠無遺幾不保社稷至於屈膝稱臣納質  
修貢是宜臥薪嘗膽之時也顧乃忘我仇讎噬我  
唇齒構釁百濟血染敵鋒惜哉小獸林立大學教  
子弟似可與有爲而惑於異端邪說邀秦僧割佛  
宇奉之彌謹爲東韓佞佛之始主故國壤侵強隣

擾中國干戈糜爛猶且事佛求福福未獲而遠天  
惑我廣開土雄偉有奇才能戰勝攻取長壽享年  
愈長國富兵強文咨安藏安原皆中材庸主陽原  
武略不競國步日蹙平原遇旱而懼停無用之費  
捐不急之務勸農桑賑貧乏有足多者嬰陽初卽  
位有志安民然不知畏天事大之義黨鞞鞬侵上  
國隋文帝命將來討舉國震恐宜効順悔罪之不  
暇方且伐新羅侵百濟喜兵樂禍復致煬帝討罪  
之舉百萬之衆渡遼碣涉薩水擣巢覆穴不朝則  
夕不有文德之應變玄感之內叛則國之存亡未

可知也榮留會愚暗弱賊臣蘇文有今將之心而  
不能辨之於早馴致堅冰之禍欲以弱制強幾又  
不察禍不旋踵寶藏爲蘇文所立權移於下政不  
已出國皆蘇文之國民皆蘇文之民專擅自恣窮  
兇極惡違帝詔囚王人罪逆貫盈唐宗赫怒親將  
六師討之雖駐蹕之役不得志而還高麗國勢亦  
岌岌乎殆哉是雖蘇文之罪惡而亦寶藏不君之  
爲也厥後太宗之憾不釋頻年命將出討將欲再  
舉此正君臣協力圖存之時也而主昏於上臣虐  
於下奢侈無度國事日非蘇文諸子自相魚肉至



於訖中國為鄉導雖以高宗中材之主遣一老將  
一舉滅之如摧枯拉朽高氏七百年之宗社一朝  
丘墟悲夫

九年己巳

唐摭章  
二年

王會羣臣下教平定兩國大赦國

丙○十年

唐咸亨  
元年

○高勾麗大兄劔牟岑欲圖興復

收合殘民至浪江殺唐官人向新羅行至西海見故

宗室安勝迎致漢城立為君遣使請附王處之國西

金馬渚帝遣大將軍高侃發兵討之安勝殺劔牟岑

來奔王遣使冊安勝為高勾麗王

後封報德王  
妻以外妹

○王

分遣諸將討百濟品日文忠等取六十三城天存竹

皆等取七城文穎等取十二城○倭國夏號日本○  
十一年王遣將領兵踐百濟加林田禾遂與唐兵戰  
於石城斬五千三百級○唐總管諱仁貴遣僧琳潤  
致書於王曰新羅王清風萬里大海三千天命有期  
行尊此境奉承機心稍動窮武邊城去由也之片言  
失侯生之一諾兄爲逆首弟作忠臣遠分花雪之陰  
空照相思之月興言至此良增歎詠先王開府謀猷  
一國轉輾百城西畏百濟之侵北警高麗之寇地方  
千里數處爭鋒無女不及桑時耘人失其疇序年將  
耳順榆景日侵不懼船海之危遠涉陽侯之險瀝心

華鏡頓頽天門具陳孤弱明論侵擾情之所露聽不  
勝悲太宗文皇帝氣雄天下神王宇宙若盤古之九  
變同巨靈之一掌扶傾救弱日不暇給哀納先君矜  
收所請輕車駿馬美衣上藥一日之內頓遇殊私亦  
既承恩對揚軍事契同魚水明於金石鳳鑰千里鶴  
關萬戶留連酒德讌笑金除叅論兵馬分期聲援一  
朝大舉水陸交鋒于時塞草分花榆星上莢駐蹕之  
戰文帝親行弔人恤隱義之浚也既而山海異形日  
月回薄聖人下武王亦承家巖葛因依聲塵共舉洗  
兵刷馬咸遵先志數十年外中國疲勞帑藏時開飛

芻日給以蒼島之地起黃圖之兵貴於有益貪於無  
用豈不知止恐失先君之信也今強寇已清讎人喪  
國士馬王帛王亦有之當應心膂不移中外相輔貽  
厥孫謀以燕翼子良史之讚豈不休哉今王去安然  
之基厭守常之策遠乖天命近棄父言侮暴天時侵  
欺隣好一隅之地僻左之陬率戶徵兵連年舉斧燔  
姬輓粟穰子屯田守無所支進不能拒以得裨喪以  
存補亾大小不侔逆順乖叙亦由持彈而往暗於枯  
井之危捕蟬而前不知黃雀之難此王之不知量也  
必其誓河若帶義分如霜違君之命不忠背父之心

非孝一身二名何以自寧聞義不從見善而輕聽縱  
橫之說煩耳目之神忽高門之基延鬼瞰之責先君  
盛業奉而異圖內積疑臣外招強陣豈謂智也又高  
麗安勝年尚幼冲遺壑殘郭生人減半自懷去就之  
疑非堪襟帶之重仁貴樓船竟翼風帆連旗巡於北  
岸矜其舊日傷弓之羽未忍加兵恃爲外援斯何謬  
也皇帝德澤無涯仁風遠洎愛同日景照若春華遠  
聞消息悄然不信爰命下臣來觀由委而王不能行  
人相問牛酒犒師遂使隱甲雀破藏兵江口蚊行林  
薄喘息荒丘潛生自噬之鋒而無相持之氣大軍未

出游刃具行望海浮江魚驚鳥竄夫舉大事者不貪  
小利杖高節者寄以英奇必其鸞鳳不馴豺狼有顧  
高將軍之漢騎李謹行之蕃兵吳楚棹歌幽并惡少  
四面雲合方舟而下依險築成闢地耕田此王之膏  
肅也嗚呼昔爲忠臣今乃逆臣恨始吉而終凶怨本  
同而末異風高氣切葉落年悲憑山遠望有傷懷抱  
王以機晤清明風神爽秀歸以流謙之義存於順迪  
之心血食依時茅苴不易占休納祐王之策也嚴鋒  
之間行人來往今遣王所部僧琳潤賫書佇布一二  
王報書歷陳曩時忠勤明其不叛○十二年唐將高

保等攻平壤羅軍大敗大監阿珍舍年七十橫戟突  
陣而死是役也庾信子元述爲裨將亦欲戰死其佐  
淡凌輕馬固止之隨大將微行入京庾信曰元述不  
惟辱王命而亦負家訓可斬也王曰元述裨將不可  
獨施重刑乃赦之元述慚懼不敢見父遁於田野○  
王遣級食原川等于唐送還被擄將士百七十餘人  
上表乞罪○十三年太舒發翰金庾信卒年七十  
九妻金氏太宗第三女有子五人曰三光元述元貞  
長耳元望及庾信卒元述求見母母曰婦人有三從  
之義今宜從子爾旣不得爲子於先君吾焉得爲爾

母乎遂不見元述慟哭曰烏淡凌所誤乃至於此遂  
八太伯山後唐兵來攻買蘇川城元述欲雪前耻力  
戰有功以不容於父母不仕終其身○王遣將領兵  
船鎮西海與唐兵鞞鞞契丹兵九戰皆克之斬首二  
百餘級唐兵溺河死者不可勝數○十四年改用新  
曆奈麻德福入唐學曆術而還用其法王於宮內穿池造山植花卉養  
珍禽奇獸○唐削王爵遣劉仁軌李謹行發兵來討  
王納高勾麗叛衆又據百濟故地帝大怒以王弟仁  
問在京師立以爲王策難林州大都督討之劉仁軌  
李謹行等破我兵於七重城三戰皆克王遣使謝罪



獻方物相屬帝赦之復王官爵仁問至中路還入唐

○十五年頒百司及州郡銅印○薛仁貴以宿衛學

生金風訓風訓父真珠為鄉導來攻泉城將軍文訓

等逆戰斬首一千四百級取兵船四十艘得戰馬一

千匹李謹行率兵二十萬屯買肖城我軍擊走之得

戰馬三萬三百八十匹既而我軍與唐兵大小十八

戰皆克之斬首六千四十七級得戰馬二百匹○十

六年唐儀鳳元年王命僧義相創淨石寺於太白山○二

十一年辛巳唐開耀元年王薨遺詔略曰太子即於前

代推移具王北山之墳詎見金鳥之繞魏主西陵之

望惟聞銅雀之名空勞人力莫濟幽魂屬續後十日

文武王

復於庫門外庭依西越七日太子政明立羣臣以遺國之式以火燒葬

詔火葬東海口大石上

權近曰葬者藏也臣子之於君父歿則必以禮葬之者由其有不忍之心也火葬之法出於佛氏其說以焚多禽獸猶以爲罪極言報應之慘至於人死則必欲焚之其視至親不如禽獸其逆理悖常甚矣新羅羣臣從其亂命而不知爲非至於後王既燒其柩又散骨東海邪說之惑人可勝痛哉

帝遣使冊王○蘇判金欽突波珍食與元大阿冷真功等謀叛伏誅

神文

諱政明字日焰  
母慈義王后

○二年壬午唐永淳元年東海中

小山有一竹晝分爲二夜合爲一王使人取之作笛

號曰萬波息笛

海官朴夙清管也時  
謂吹此笛風波平

○高勾麗王臧

率於邛州

唐以臧烏遼東都督朝鮮王遣歸後安東  
都護府於新城以統之臧至遼東謀叛召

臧還邛州詔葬頡利墓左徙其人於河南隴右餘衆散入

鞞鞬及突厥高氏遂絕○三年納金欽運女爲妃聘

幣帛十五輦米酒饌具百  
三十五輦和百五十車

○徵報德王安勝賜姓金

○六年置州郡於百濟舊地○十二年

唐嗣聖九年七

月王薨太子理洪立○唐武后遣使弔祭冊王

孝昭

諱理洪母祚  
穆王后金氏

○八年東海水赤五日海水自

擊聲聞王都○兵庫中鼓角自鳴○十一年嗣聖十

庚王亮無子國人之其弟隆基

**聖德**諱隆基後避○二年癸遣使朝唐是後連

五年穀不登民多飢死給租賑之人日三升○十年

王親製百官箴示羣臣○封金庾信妻為夫人歲賜

南城租一千石時落髮○十六年太監守忠回自唐

上文宣王十哲七十二弟子畫像命置太學○始造

漏刻○十八年開元七渤海郡王太祚榮卒私謚高

王子武藝嗣渤海本粟末靺鞨即高勾麗別種祚榮

東仲象死祚榮嗣驍勇善騎射高勾麗餘燼稍歸  
之乃建國自號震旦先天下拜為左驍衛大將軍渤

海郡王自是始去鞞鞞之號稱渤海至是死于武藝

五京十五府東北諸夷畏服之遂為海東盛國地有築毛伐郡城以防倭寇周六千七百

二十二年開元十一年王獻美女抱貞貞苑帝曰女皆

王姑姑妹遠親屬別鄉國朕不忍留厚賜還之

十二年甲子遣金武勳如唐賀正帝降勅賜王錦袍金

帶綵素共二千匹後又請遣子弟入國學詔許之

三十年遣金志良入唐賀正帝授太僕少卿賜帛六

十匹降詔褒嘉賜王綾綵五百匹帛二千五百匹

三十二年帝以渤海鞞鞞越海入寇登州遣太僕員

外郎金忠蘭諭王發兵擊渤海為犄角帝又曰聞舊

將金庾信孫允中之賢可為將遣之仍賜允中金帛  
於是王命允中等四將率兵會唐軍伐渤海會大雪  
山路阻隘士卒死者過半無功而還王以允中擢為  
大阿飡寵遇之王親屬頗嫉之王嘗登月城與從官  
置酒為樂召允中與焉左右曰今宗室戚望豈無可  
人而獨召疏遠之臣臣等竊恠之王曰今寡人與卿  
等共享太平庾信之功也若遐棄之非善善及子孫  
之義也遂賜絕影山馬一匹○帝賜王白鸚鵡雄  
各一隻及紫羅繡袍金銀鈿器物瑞文錦五色羅絲  
共三百餘段遣王姪志廉備獻方物上表謝恩略曰  
伏觀

瓊文跪披玉匣含九霄之兩露帶五絲之鵝鸞辨慧  
靈禽素蒼兩妙羅錦絲章金銀寶鈿見之者爛目聞

之者驚心微效  
似塵重恩如岳  
三十六年開元二十五年丁丑王薨王教百

官進言歲遣使朝唐問高年販飢民太子承慶立

**承慶**  
諱承慶母  
二年庚戌唐帝遣贊善大夫邢璣

弔祭前王且冊嗣王璣將發帝謂曰新羅號為君子

之國頗知書卿宜演經義使知大國儒教之盛又以

國人善基詔以叅軍楊季膺為副國之高手皆出其

下璣到國獻道德經

權近曰璣之來也帝稱為惇儒宜演經義使知大

國儒教之盛而璣之所獻于王乃老子道德經也

帝以璿誇示儒教之盛又使善弈者副之何歟晉  
崇老氏又以棊弈廢事為高致遂使神州陸沉今  
玄宗復蹈其轍其能免天寶之亂乎

三年王以伊冷信忠為中侍初王在潛邸嘗與信忠  
圍棊栢樹下謂曰他日我不忘汝汝亦不改貞操所  
有負者有如此栢王即位錄功臣而遺信忠信忠作  
歌帖於栢樹樹忽枯王恠使審之得歌大驚曰幾忘  
乎角弓矣召賜爵栢乃蘇○六年唐天寶元王薨太  
子憲英立以遺命燒柩於法流寺散骨東海

**景德**

諱憲英孝成同母弟也王無嗣立為太子

○二年癸未京都有牛一



產五犢○唐遣使弔祭仍冊王王遣弟如唐賀正○

妖星出中天大如五斗器浹旬乃滅○六年改執事

省中侍為侍中典大等為侍郎又置國學諸業博士

助教始置員察一員糾正百官置天文博士一員漏

刻博士六員○震真平王陵○十三年鑄皇龍寺鐘

長一丈三寸厚九寸重四十九萬七千五百八十一斤○十四年旌孝子向德

門立石紀事號其地孝家里向德父母年荒飢病殯

癘吮之皆平安事聞主賜租三百斛宅一區口分田○上大等金忠仁以災異

屢見上疏極論時政得失王嘉納○十五年天寶十

王聞帝在蜀遣使如唐泝江至成都朝貢帝親製十

韻詩手札賜王詩曰四維分景緯萬彙含中樞王帛

月勤黃圖漫漫窮地際蒼蒼連海隅興言名義國豈

謂山河殊使去傳風教人來襲典謨衣冠知奉禮忠

信識尊儒誠矣天其鑒賢我德不孤擁旄同作牧厚

既比生芻益重青青志風霜恆不渝○宋宣和中高

麗使臣金富儀將所刻本八汴京示學士李邴邴以

聞帝因宣示兩府及諸學士傳宣曰所上詩真明皇

手書嘉歎不已

十六年置九州分統郡縣改郡縣名以沙

為尚州軟良州為良州菁州為康州漢山州為漢州

首若州為朔州河西州為濱州熊川州為熊州完山

州為全州武珍州為武州九州所管郡縣無

慮四百五十新羅地理之廣衰斯為極矣

十七

年大雷震佛寺十六改官號二十二年大奈麻

李純嘗有寵於王一朝棄官為僧累徵不出創斷俗

寺居之聞王好樂詣宮門極諫王為之停樂引正室

論說數日○二十四年唐永泰元年乙巳王薨太子乾運立

年八歲母后攝政



諱乾運母滿夫人金氏

○二年午丙兩日並出○康州地

陷成池水色青黑○三年三星隕宮庭相擊其光如

火迸散天狗隕東樓頭如瓮尾三尺許○四年帝遣

使冊王○虎入宮中○一吉飡大恭與弟阿飡大廉

叛圍王宮月餘討平之○六年大阿飡金融叛伏誅

○十一年伊飡金隱居謀叛伏誅○伊飡廉相與侍

中正門謀叛伏誅○十二年下教百官皆從舊號○

始立五廟味鄒王太宗文武王并祖禰為五廟一年六祭以味鄒王金氏始祖太宗王文武

王平麗濟有大功  
德為不遷之主  
十三年上大等金良相上疏極

論時政  
善州人聖覺養母至孝母病割股食之及

死盡誠襄事王賜租三百石  
十五年遣金巖聘日

本巖度信之後性聰敏好方術少入唐宿衛間就師

學陰陽家法及還為司天大博士歷守良康漢三州

所至盡心撫字教以兵法嘗有蝗虫入界殺野巖登

山頂焚香祭天忽風雨大作蝗盡死至是聘日本其

王欲留之會唐使高鶴林來相見甚懼以巖為大國

所知遣還  
金庾信墓旋風忽起至始祖陵塵霧暗

冥不辨人物若有哭泣悲歎之聲王懼致祭謝過

十六年唐建中元年庚申伊飡志貞聚眾圍王宮上大等金

良相與伊飡敬信舉兵誅志貞等王與后妃為亂兵

所害王幼冲嗣位母后臨朝及壯淫于聲色戲謔無

度綱紀紊亂人心離叛志貞等因作亂良相自立為

王



諱良相奈勿王十世孫

三年壬戌王巡幸漢山州移民

甲子

戶於涓江鎮○四年立社稷壇修祀典○五年甲子王

欲遜位羣臣三上表諫乃止○六年唐貞元元年乙丑王薨

遺詔依佛制燒火散骨東海國人立上大等敬信為

王初惠恭末年叛臣跋扈宣德討叛賊弒惠恭自立

敬信與謀及宣德薨無子羣臣欲立王族子周元周  
元第在京北二十里會天大雨闕川漲不得渡議者  
曰人君大位有關天命固非人謀所及今日暴兩天  
其或者不欲立周元乎今上大等敬信德望素高有  
人君之度於是衆議翕然遂立之既而兩止周元退

居溟州○王追王四代



諱敬信奈勿王十二世孫一吉食孝讓之子

○二年丙寅遣使朝唐

○秋王都民飢出粟三萬三千二百石以賑給之冬

又賑粟三萬三千石○大舍武鳥獻兵法十五卷花

鈴圖二卷○四年春始定讀書出身科

讀春秋左傳禮記文選

兼明論語孝經為上讀曲禮論語孝經者為中讀曲禮考經者為下若博通五經三史諸子百家者超擢

用之前此但以射選人之至是改之射六年發全州等七州人增築碧

骨堤○七年伊食悌恭謀叛伏誅○十五年貞元十

卯王薨遺命燒柩太子俊邕立○時有金生者能書

不攻他藝好佛隱居不仕年踰八十猶操筆不休隸

行草皆入神宋崇寧中翰林待詔楊球李革見金生

諱俊邕元追王惠忠太子○二年貞元十六

王薨太子清明立年十三兵部令彥昇攝政王叔父

以梁悅為豆盼小守初悅入唐宿衛帝幸奉天悅從

難有功帝授右贊善大夫及還王擢用之

宋

諱清明

二年辛巳改五廟之制

始祖大王高祖明德王曾

祖元聖

王皇祖惠忠王皇考昭聖王

鳥五廟別立太宗王文武王為二廟

大等三年創伽椰山海印寺牛頭州有石起立

望海寺二塔相擊六年帝遣使告哀且冊王封太

后叔氏為太妃

妃奈勿王後金叔明之女嫌同姓以父名為氏

九年定十

二道郡邑疆境

十年

元和四年巳丑西兄山城益庫鳴聲

如牛

彥昇弒其君清明且殺其二弟自立遣使告

哀于唐辭以病薨且請承襲帝遣使冊彥昇為王

諱彥昇

昭聖王弟

四年

壬辰以均貞為侍中

五年

以伊冷金憲昌為武珍州都督又為侍中七年國



西州郡大飢盜賊蜂起發兵討平之○漢山州唐恩  
縣有石自移百餘步○十一年四年王命將軍金  
雄元率甲兵三萬應帝徵兵助討唐叛臣李師道○  
涇江南川二石相擊○十四年王無嗣以母弟秀宗  
爲太子居月池宮時上大等忠恭坐政事堂注擬請  
托盆至莫能舉措感疾而退名醫診之曰病在心臟  
須服龍齒湯遂杜門謝客侍郎祿真請見門者拒之  
三復乃見曰伏聞氣體不調得非早朝晚罷蒙犯霧  
露之致乎曰未也祿真曰然則公之病不須砭石可  
一言理之忠恭曰可得聞乎祿真曰彼梓人之作室

也材大者爲梁柱小者爲椽榱偃者植者各安所施  
然後大厦成焉宰相之爲政也亦然才巨者置高位  
小者授下品內則六官百執事外則方伯郡守朝無  
闕位皆得其人然後王政成焉今則不然徇私而滅  
公爲人而擇官愛之雖不才必進憎之雖有能必斥  
取舍勞其心是非亂其志不獨害於國事爲之者亦  
病矣若其當官清白莅事恪恭杜貨賂之門絕請托  
之路黜陟必以幽明予奪不以愛憎如是則刑政允  
穆國家和平雖日開公孫之閣置曹參之酒與朋友  
故舊談笑自樂可也又何必區區於服餌之間徒自

費日廢事為我忠恭悅謝醫朝王曰臣聞祿真之言  
同於藥石豈止飲龍齒湯而已哉因為王誦之王曰  
有人如此不可使儲君不知也宜往告太子太子聞  
之入賀祿真一吉飡秀奉之子  
○熊川州都督憲昌以父周元  
不得立舉兵叛脅武珍完山等州郡王遣張雄等討  
之憲昌自殺○西原京兩蟲○十八年唐寶曆二王  
薨太子秀宗立

**興德**

諱秀宗  
改景徽

○三年軼以大阿飡金祐徵為侍中

○以張保臯為清海鎮大使保臯少字弓福入唐為  
徐州小將後歸國告王曰中國人往往掠吾邊氓願

鎮清海以禦之王與卒萬人鎮之是後無此患清海鎮在

康津即○大廉自唐還得茶子來命植智異山以

金陽為固城郡太守尋拜中原大尹武州都督陽少

而英傑所臨有政譽太宗九世孫祖宗基父貞茹皆為將相○七年春

夏大旱飢荒盜賊遍起○九年王巡幸國南州縣存

問耆老孤寡賜穀布有差○下教禁奢僭申冠服之

制○以阿飡金均貞為上大等○十一年唐開成元年丙辰

春正月辛丑朔日有食之冬王薨無嗣堂弟均貞堂

弟之子悌隆爭立金陽與祐徵奉均貞為王悌隆黨

侍中金明阿飡利弘圍王宮均貞遇害明等立悌隆

為王

**信康王**

諱悌隆元聖王孫憲貞子○二年丁以金明為上大等利

弘為侍中○均貞之子祐徵收餘兵往投清海鎮大

使張保臯謀復讎禮徵良順亦歸○三年春正月金

明弒王自立○二月金陽募兵士八清海鎮奉祐徵

討金明以兵五千襲武州降之進次南原遇金明所

遣兵戰克之祐徵以士卒久勞且還清海鎮休兵○

十二月金陽號平東將軍再出兵金亮詢以鵠州軍

來祐徵又遣閻長張弁駱金等六人統兵為將軍容

甚盛鼓行而東

神武王

諱祐徵元聖王孫均貞子

○元年己未

唐開成四年

春閏正月

金陽等至達伐丘與金明兵一戰大克明時在西郊

兵士追殺之

羣臣禮葬諡閔哀

語在金陽傳

○四月禮徵等

先至清宮禁迎祐徵入卽位是役也張保臯分兵五

千授其友鄭年助討之初保臯鄭年皆善戰不相下

俱入唐無敢敵者後保臯還國得鎮旣貴年失職飢

寒欲就食於保臯或曰若與保臯素不相能奈何往

取死乎年平往保臯與之飲極歡飲未平聞變保臯

乃分兵付年執年手泣曰非子不能平禍患

金富軾曰杜牧言郭汾陽李臨淮俱爲朔方節度

使安惠順牙門都將二人不相能雖同盤飲食常  
睇相視不交一言及祿山亂詔汾陽代忠順詔臨  
淮分汾陽半兵東討臨淮入請曰一死固甘免妻  
子汾陽趨下執手上堂偶坐曰今國亂主遷非公  
不能東伐豈懷私忿時耶泣別相勉以忠義訖平  
巨盜二公之力知其心不叛知其材可任然後心  
不疑兵可分平生積憤知其心難也忿必見短知  
其材亦難也此保阜與汾陽之賢等耳語曰國有  
一人其國不亾夫亾國非無人也丁其亾時賢人  
不用苟能用之一人足矣宋祁曰嗟乎不以怨毒

相甚而先國之憂晉有祁奚唐有汾陽羅有保舉

孰謂夷無人哉

王既立追王祖考封張保舉為感義軍使食實封二

千戶○利弘棄妻子遁山谷王遣使追殺之秋七月

王瘡發背薨在位四月太子慶膺立拜保舉鎮海將軍金

陽授侍中兼兵部令

**文** 諱慶膺 ○二年曠以禮徵為上大等義宗為侍

中良順為伊食 ○三年一吉食弘彌謀叛事覺入

海島 ○五虎八神宮園 ○六年甲子春二月甲寅朔日

有食之 ○七年十二月朔三日並出 ○八年殺清海



鎮大使張保舉初神武王投清海與保舉約苟得復  
讎當以卿女配我子至是王欲納女羣臣諫曰夫婦  
人之大倫夏以塗山興殷以嬖氏昌周以褒姒滅晉  
以驪姬亂國之存亡於是乎在可不慎乎今保舉海  
島人也納其女可乎王從之保舉怨王據鎮叛將討  
之慮或不克武州人閻長素以壯勇聞來告曰朝廷  
幸聽臣計當不煩一卒斬保舉以獻王從之閻長佯  
叛投清海保舉愛其勇無所疑引為上客與之飲極  
歡及醉奪保舉劍斬之後罷其鎮徙其人於碧骨郡

○九年伊飡良順興宗叛伏誅○伊飡金貳大昕等

叛伏誅○十三年呵冷元弘自唐齎佛經佛牙還王  
郊迎○十九年侍中金陽平追贈舒發翰陪葬太宗  
陵○九月王不豫太子先卒遺詔傳位於叔父誼靖

薨誼靖立

唐大中十一年丁丑

王

誼靖

四年

唐咸通元年庚辰

王會羣臣於臨海殿

王族膺廉年十五預宴王欲觀其志問曰汝為國仙  
遊學有日得無見善人乎對曰臣嘗見三人者一勳

閔子弟也而不先人自下一家富而被服不侈一勢

榮而驕氣不形臣竊以此為善人王默然與左右語

曰朕閱人多矣無如膺廉者欲以女妻之夏置酒從

容曰吾有二女惟郎所擇膺廉辭不獲歸告父母父  
母曰聞王女容色兄不如弟若不得已其娶弟乎郎  
徒範教曰娶兄有三益弟有二損膺廉乃奏臣不敢  
自沒惟王命王以長女妻之是為寧花夫人○五年  
咸通二年辛巳王薨王無男有女以遺命立膺廉



諱膺廉信康王  
孫阿食啓明子

○三年癸未納寧花夫人弟為

次妃爵範教為大德賜金百三十兩○五年帝遣使

冊王○立子晟為太子晟聰敏喜讀書一覽輒記○

伊食允與其弟叔興李興謀逆事覺捕斬夷三族

○伊食金銳金鉉等謀叛伏誅○震皇龍寺塔後改造九

層高二丈○十四年伊飡近宗謀叛犯闕禁軍出擊之

近宗兵敗追獲輶之○十五年私王薨太子晟立

**唐**諱晟四年唐乾符五年唐遣使冊王王遣使朝

唐聞黃巢賊起乃止○五年王出遊鶴城還至海浦

忽雲霧晦冥迷路禱于海神開霽因名開雲浦有異

人處容者奇形詭服詣王前歌舞從入王京王賜爵

級干又有四人詣駕前歌舞其歌有智理多都都破

逃而都邑將破故歌以警一吉飡信弘謀叛伏誅

六年王與左右登月上樓見都下屋廬比櫛歌吹

沸騰顧謂侍中敏恭曰孤聞今民間覆屋以瓦不茅

茨炊飯以炭不薪樵有諸對曰自上臨御以來陰陽  
和風雨順歲登民足邊境寧謐市井歡樂此皆聖德  
所致王欣然曰實賴我卿等輔佐之力朕何德焉  
王燕羣臣於臨海殿王酒酣鼓琴左右各進歌詞極  
歡而罷○十一年崔致遠捧帝詔還自唐○遣使如  
唐賀破黃巢賊○十二年唐光啓二年丙午王薨弟晃立  
病革謂侍中俊興曰孤不幸無嗣女弟曼天資明銳  
卿等宜做善德真德故事立之

**定康**

諱晃

二年丁未王薨無嗣以遺命立女弟曼王

權近曰漢雉唐墨皆批晨遲惡謀覆宗國危而後

安劉李之不亾幸矣定康將薨藉善德真德故事  
遺命立曼其臣俊興不學無術勉從亂命以致恣  
行淫穢羣盜並起國隨以亾可謂君不君而臣不  
臣矣

**真聖**

諱曼二年唐文德元年戊申

主素與角干魏弘通至是

常入內用事及弘死潛引年少美丈夫私之授以要  
職由是佞倖肆志貨賂公行紀綱解弛時有人譏謗  
時政榜於朝路或告曰必文人不得志大野隱者巨  
仁所為命下獄將刊巨仁愼怨書獄壁詩曰于公嚙  
行含悲五月霜今我幽愁其夕忽震雷雨雹主懼釋  
還以古皇天無語但蒼蒼

之○三年國內州郡不輸貢賦府庫虛竭主發使督  
之所在盜賊蜂起元宗哀奴等據沙伐州叛○五年  
唐大順弓裔叛于北原弓裔憲安王庭子生時屋上  
有素光若虹上屬天日官奏曰此兒以重午日生  
而有齒且光燄異常恐將不利於國家王勅中使殺  
之使者取襁褓中投樓下乳婢竊捧之手觸眇一目  
抱而逃竊養之年十餘祝髮號善宗不拘檢僧律軒  
輕有膽氣見國家衰謂乘亂聚眾可以得志投竹州  
賊箕萱萱不禮又投北原賊梁吉吉委任以事遂分  
兵東略地累戰輒勝眾至六百與士卒同甘苦眾心

畏愛○六年唐景福元年甄萱叛據完山州自稱後百濟

萱尚州加恩縣人本姓李父阿慈介以農自活起家

為將軍初萱生父耕野母餉之置萱林下虎來乳之

年十五自稱甄萱及壯體貌雄奇志氣倜儻入王京

赴西南海防戍為裨將時政亂民飢羣盜蜂起萱潛

懷異志嘯聚公命劫掠州縣眾至五十遂襲武珍州

自立為王猶不敢公然稱之○九年弓裔破漢州管

內鐵圓等十餘郡遂據松岳郡開國稱王以王建為

鐵圓郡太守建漢州松岳郡人父隆器字宏大有并

吞三韓之志娶韓氏以僖宗乾符四年憲康王三年



丁酉正月丙戌生達于松嶽南第神光紫氣繞室克  
庭幼而聰明龍顏日角方頤廣顙器度雄深語音洪  
大寬厚有濟世之量初隆築室於松岳之南僧道誥  
來憇門外樹下歎曰此地當出聖人隆聞之倒屣出  
迎相與登松岳道誥就為一封書授隆曰公明年必  
得貴子既長可以與之及期果生建及建年十七道  
誥復至請見曰足下值百六之會三季蒼生待公弘

濟因告以出師置障地利天時之法望秩山川感通

保佑之理道誥姓金新羅靈巖人史失世系或云太  
宗大王之孽孫母姜氏夢人遺明珠一顆

使吞之遂有娠既育復異凡兒年十五穎悟夙成兼  
解技藝云遂祝髮遊山學者咸以為神聰乃受禪戒於

憲徽智藏廓爾起悟遊無定所至與陽縣白雞山至  
龍寺愛其幽勝改葺堂宇宴坐忘言三十五載遂終

馬新羅孝恭王二年時隆為松嶽郡沙餐以郡歸弓  
戊午也年七十二

裔說之曰大王若欲王朝鮮肅慎下韓之地莫如先

城松嶽以吾長子建為其主弓裔從之○十一年唐

丁寧四年主薨太子曉立初憲康出獵道見一女悅之命戴後車帷宮野合生曉及

長體貌魁傑真聖撫其背曰孤之兄弟骨相異  
兒背兩骨隆起真憲康子也立為太子至是立

孝恭王諱曉二年伐弓裔取沮西道及漢山州三十餘

城遂移都松嶽郡○四年弓裔遣王建取廣州忠州

等五郡以建為阿餐弓裔怨新羅嘗南行見鹽州○

七年弓裔遣王建率舟師自西海攻錦城等十餘郡

拔之○八年甲弓裔立國號曰摩震紀元武泰設百

官定都鐵圓攻取尚州等三十餘邑○弓裔遣王建

黔式等領兵三千與甄萱戰于尚州沙火鎮克之弓

裔以土地益廣士馬漸強意欲并吞新羅自新羅來

附者並皆誅殺○十三年後梁太祖開平三年王建見弓裔日

以驕虐常不樂求閩寄出鎮錦城攻拔光州珍島郡

城中望見軍容嚴整自降建推誠撫士威惠並行敵

境驚服○王嬖賤妾不卹政事大臣殷影諫不從影

執其妾殺之○十六年後梁乾化二年壬申王薨無嗣國人立

朴景暉景暉阿達羅王遠孫大阿飡人兼之子追尊考為王母為太后

新羅孝恭王

神

諱景暉 姓朴氏

二年癸巳裔以王建屢著邊功累階

為波珍餐兼侍中以名之於是建位冠百僚然非素

志且畏讒不樂居位每出入公門平章國計惟抑情

謹慎好賢嫉惡一時人心皆屬建建懼禍及復求外

鎮羅州時弓裔誣構叛亂日殺數百將相遇害者十

有八九其妻姜氏正色諫之弓裔怒以烈火燒鐵杵

撞其陰殺之並其兩兒○六年丁丑王薨太子昇英立

景明

諱昇 英

二年

後梁貞明四年戊寅

夏六月泰封諸將立

王建為王國號高麗

建嘗夢見九層金塔立海中自登其上至是唐商客王昌瑾見

一老人買古鏡日光斜映隱隱有細字可讀其略曰上帝降子於辰馬先操雞核博鴨又曰二龍見一則

藏身青木中一則現形黑金東云云昌瑾異而獻之

弓裔令物色其人惟東州渤海寺有鎮星像如其狀

手且持鏡裔歎異令文入宋含弘等解之曰辰馬者

辰韓馬韓也青木松也謂松岳郡人將為君王也王

侍中有王侯之相豈謂是歟黑金鐵也今所都鐵圓

之謂也今主始終滅於此守操雞搏鴨者王公先得

雞林後收鴨絲之意也三人謂王猜弓裔凶虐日肆

忌嗜殺不可告以實乃詭辭告之

臣僚震懼將軍洪儒裴玄慶申崇謙卜智謙等夜詣

建第密謀推戴語在四功臣傳建拒之甚堅夫人柳

氏柳氏貞州入柳天弓之女天弓家甚富邑人稱焉

容因宿其家以女侍寢後絕不相聞守節為尼太祖  
名以鳥夫入舉義贊成是為神惠王后後附葬王陵  
在帳中出謂建曰妾聞諸公之言尚有感奮况大丈夫  
夫乎提甲領以被之諸將扶擁而出令人呼曰王公

已舉義旗矣國人來赴者衆先至宮門鼓譟以待者  
亦萬餘人弓裔聞之驚駭曰王公得之吾事已矣出  
北門以去尋爲斧壤民所害建遂卽位建元天授○  
高麗王卽位頒詔更始放還青州人全愛堅等八十  
餘人先是弓裔以青州地饒人多豪傑恐其爲變將  
欲殲之乃召軍人愛堅等械繫之○高麗馬軍將軍  
桓宣吉叛伏誅初宣吉與其弟香寔翊戴有功王委  
以腹心常令宿衛宣吉聽其妻語陰結兵士一日王  
坐殿上與學士議國政宣吉與其黨五十餘人突入  
內庭直欲犯之麗王策杖而立厲聲叱之宣吉見王

辭色自若疑有伏甲走出衛士追殺之○高麗誅蘇  
判宗佀將軍狄鈇二人俱以姦佞得幸弓裔譖害良  
善王卽位首誅之○隱士朴儒見高麗王王曰今卿  
之來如得傳巖渭濱之士賜冠帶令管機要賜姓王  
儒初仕弓裔見政亂隱於山谷○高麗下詔定租稅征賦用天下通  
法弓裔從欲橫歛一頃田租稅六碩驛戶賦絲三束  
百姓怨苦流亾王詔改○高麗遣馬軍將軍能植領  
兵鎮撫青州初王以青州多變詐遣將軍洪儒庾黔  
彌以兵千五百鎮鎮州備之後聞青州密與百濟通  
好將叛王遣能植將兵鎮撫不克叛○尚州帥阿字

蓋附高麗王命備儀迎之習儀於毬場文武就班廣

評郎中柳問律與直省官朱瑄劫爭列王聞之曰讓

為禮宗敬乃德本今接賓以禮將觀厥成而問律瑄

劫爭列豈敬慎者乎宜並徙邊以彰其罪○高麗設

八關會每歲仲冬於闕庭置輪燈一坐列香燈四傍

又結兩綵綳呈百戲歌舞於前皆新羅故事八關之

殺生曰不偷盜曰不淫泆曰不妄語曰不飲酒曰不

坐高大床曰不着香華曰不自樂觀聽關者閉也謂

禁閉八罪○三年高麗移都松岳改鐵圓為東州置

三省六尚書官九寺立市廛辨坊里分五部置六衛

○高麗創法王王輪等十寺于都內兩京塔廟皆像



之廢後者並令修葺○高麗王追王三代曾祖考元

號國祖妃貞和王后祖考景康大王廟號懿祖妃元昌王后考威武大王廟號世祖妃威肅王后

高麗城平壤置西京官僚○四年甄萱攻陷大良仇

史二城王求援於高麗麗王遣兵救之萱引退始與

麗有隙○五年高麗王冊子武為正胤武母吳氏側

微王恐不得立以笥盛柘黃袍賜具具示朴述熙述

熙知其意請立為正胤○八年後唐同光王薨母弟

魏膺立

**景宗**諱魏二年後唐同光甄萱取居昌等二十餘

城遣使後唐稱藩唐策萱百濟王○三年契丹連年

侵渤海進攻扶餘城渤海王大譚誤戰敗乞降置之  
臨潢之西渤海王世子大光顯將軍申德等率其餘  
衆來奔高麗者數萬戶麗王待之甚厚賜光顯姓名  
王繼附之宗籍使奉其祀僚佐皆賜爵甄營質子  
真虎病死於高麗麗王遣使送其喪營謂高麗殺之  
殺王信麗王堂弟曾交質於營者進軍熊津麗王命諸城堅壁不  
出先是營獻絕影島驄馬一匹後聞讖云絕影名馬  
至百濟亾乃悔之使人請還其馬王笑而許之時甄  
營違盟屢侵欲并吞之麗王親率兵伐之羅王出兵  
助之○四年後唐天成二年丁亥甄營入寇陷王都弒王立金

傳先是萱攻高麗近品城陽山燒之進龍衣高麗於  
羅王告急於麗麗王遣救兵一萬未至萱猝入都  
城時王與妃嬪宗戚出遊鮑石亭忽聞兵至與夫人  
走匿城南離宮從官宮女皆被陷沒萱縱兵大掠逼  
王自盡強辱王妃縱其下亂其嬪妾立王表弟金傅  
烏王盡取子女百工兵仗珍寶以歸麗王聞之大怒  
親率精騎五千邀萱於公山桐藪大戰不利大將申  
崇謙金樂力戰死之王僅以身免●甄萱寄書高麗  
曰昨者新羅國相金雄廉等將名足下入京有同鼉  
應鼉聲是欲鷄披隼翼必使生靈塗炭社稷丘墟是

用先着祖鞭獨揮韓劍誓百僚如皦日諭六部以義  
風不意奸臣遁逃邦君薨變遂奉景明王之表弟憲  
康王之外孫勸即尊位再造危邦喪君有君於是乎  
在足下不詳忠告徒聽流言百計窺覷多方侵擾尚  
不能見僕馬首拔僕牛毛冬初都頭索湘束手於星  
山陣下月內左相金樂曠骸於美利寺前殺獲居多  
追擒不少強羸若此勝負可知所期者掛弓於平壤  
之樓飲馬於湏江之水然以前月七日吳越國使班  
尚書至傳王詔旨知卿與高麗久通歡好共契隣盟  
此因質子之兩匹遂失和親之舊好互侵疆境不戢

干戈今專發使臣赴卿本道又移文高麗宜相親比  
永孚于休僕義篤尊主情激事大及聞詔諭卽欲祇  
承但慮足下欲罷不能因而猶聞今錄詔書寄呈請  
留心詳悉且鴛鴦迭德終必貽譏蚌鵝相持亦爲所  
笑宜迷復之爲戒無後悔之自貽麗王答書曰伏以  
華輶膏使爰致制書尺素好音兼承教誨捧芝檢而  
雖增感激闢華棧而難遣嫌疑今托回軒輒敷危社  
僕仰承天假俯迫人推過叨將帥之權獲赴經綸之  
會頃以三韓厄會九土凶荒黔黎多屬於黃巾田野  
無非於赤土庶幾弭風塵之警有以救邦國之灾爰

自善隣於馬結好果見數千里農桑樂業七八年士  
卒閑眠及至酉年維時陽月忽焉生事至於交兵足  
下始輕敵而直前若螳螂之拒轍終知難而勇退如  
蚊子之負山拱手陳辭指天作誓今日之後永世歡  
和苟或渝盟神其殛矣僕亦尚止戈之武期不殺之  
仁遂解重圍以休疲卒不辭質子但欲安民此則我  
有大德於南人也豈謂軟血未乾兇威復作蜂蠆之  
毒侵害於生靈狼虎之狂爲梗於畿甸金城窘迫黃  
屋震驚仗義尊周誰似桓文之霸梁間謀漢惟首奔  
卓之女致使王之至尊枉稱子於足下尊卑失序上

下同憂以謂非有元輔之忠純豈得再安於社稷以  
僕心無匿惡志切尊王將援置於朝廷使扶危於邦  
國足下見毫釐之小利忘天地之厚恩斬戮君王焚  
燒宮闕殖醢卿士虐劉士民姬姜則取以同車珍寶  
則奪之糶載元惡浮於桀紂不仁甚於獍梟僕怨極  
崩天誠深卻日庶效鷹鷂之逐以申犬馬之勤再舉  
干戈兩覆槐柳陸戰則雷馳電擊水攻則虎搏龍騰  
動必成功舉無虛發逐尹邠於海岸積甲如山擒鄒  
祖於邊城伏屍蔽野燕山郡畔斬吉英於軍前馬利  
城邊戮隨晤於燾下拔任存之日邢積等數百人捐

艦破青州之時直心等四五輩授首桐藪望旗而潰  
散京山含璧而投降康州則自南而來歸羅府則自  
西而移屬侵攻若此收復寧遙必期泚水營中雪張  
耳千般之恨烏江亭上成漢王一捷之功竟息風波  
永清寰海天之所助命將何歸况承吳越王殿下德  
洽包荒仁浚字小特出綸於丹禁諭戰難於青丘既  
奉訓謨敢不尊奉若足下祇承睿旨悉戰凶機不惟  
副上國之仁恩抑亦紹東海之絕緒若不過而能改  
其如悔不可追

敬順

諱傳文聖  
王之裔

二年戎甄萱選勁卒攻拔高麗烏



於谷城殺成率一千將軍楊志明式等六人出降王  
命以六人妻子徇諸軍棄市○四年麗王次古昌郡  
之狴山與營軍戰營敗走獲侍郎金渥死者八千餘  
人以古昌城主金宣平為大匡權幸本姓金張吉為  
大相陞郡為安東府時東方州郡百十餘城皆降高  
麗○高麗王幸西京創置學校以秀才廷鶚留為書  
學博士○五年王遣使高麗請相見麗王以五十騎  
往會遂宴臨海殿酒酣王曰小國不天為甄萱極喪  
泫然泣下左右莫不嗚咽麗王留數旬而還王送至  
穴城麗王初至都人士女舉手相慶曰昔甄氏之來

也如逢豺虎今王公之至也如見父母○高麗王流  
大匡庾黔弼于鵠島

史氏曰中庸九經尊賢居一而尊賢之事去讒為  
先漢光武時人有上章告馮異權重者帝以章示  
異仍報曰將軍之於國家義為君臣恩猶父子何  
嫌何疑由是讒說不行乃何太祖遽信讒人萋斐  
之說放逐勳賢竄之鮫鱷之鄉幾不得生乎後雖  
悔悟復何益哉

高麗西京民家雌雞化為雄又大風屋瓦皆飛麗王  
曰昔有邪臣潛畜異謀其家雌雞化為雄不悛其惡

卒致誅滅吳王劉濞之時大風毀門拔木濞不知戒亦以覆亡宜各悛心毋及於禍○七年後唐遣使冊

高麗王始行唐年號○八年高麗王幸禮山鎮下令

曰予造此新邦勞役瘡痍之民豈予意哉但干戈未

定巡省州鎮修完城柵男盡從戎婦猶在役不忍勞

苦或逃匿山林或號訴官府權勢之家又從而陵暴

予豈能家至而目覩宜爾公卿將相諒予愛民之意

民有論訴官吏掩護者以名聞○九年後唐清泰元年乙未甄

萱子神劍與國相能奐謀幽其父於金山寺殺其弟

金剛自立萱有子十餘人愛第四子金剛欲傳位兄神劍良劍龍劍等陰謀能奐勸神劍作亂

幽萱於金山 甄萱在金山三月飲醉守卒與季男能  
命壯士守之

又及嬖妾等奔羅州遣人請見於高麗麗王遣庾黔

𪔐由海路迎之待以厚禮稱萱為尚父位百僚上

冬十月王以四方土地盡為他有國弱勢孤乃與羣

下謀降高麗羣議不一王子諫不聽使侍郎金封休

賫書請降麗王受書遣使往報十一月王率百僚發

王都士庶皆從之香車寶馬連亘三十餘里八開京

麗王出郊迓勞館于柳花宮妻以長女樂浪公主王

請以臣禮見十二月麗王會百僚曰朕與新羅軟血

同盟庶幾兩國永好各保宗社今羅王固請稱臣卿

等亦以爲可朕心雖愧衆意難違乃受庭見之禮拜  
金傅爲政丞封樂浪王食邑八千戶位太子上歲給  
祿一千石國除爲慶州賜爲食邑新羅亾

右新羅始祖赫居世以漢宣帝五鳳元年甲子  
都辰韓國號徐伐羅朴昔金三姓相傳智證王  
癸未定國號新羅太宗王庚申并百濟文武王  
戊辰并高句麗敬順王乙未後唐潞王清泰二  
年降于高麗朴氏十王昔氏八王金氏三十七  
王合五十五王共九百九十二年

金富軾曰新羅朴氏昔氏皆自卵生金氏從天八

金積而降或云乘金車此尤詭恠不可信但原厥  
初在上者其爲已也儉其爲人也寬其設官也略  
其行事也簡以至誠事中國梯航朝聘之使相續  
不絕常遣子弟造朝而宿衛八學而講習于以襲  
聖賢之風化革鴻荒之俗爲禮義之邦又憑王師  
之威靈平百濟高勾麗取其地郡縣之可謂盛矣  
而奉浮屠之法不知其弊至使閭里比其塔廟齊  
民逃於緇褐兵農浸小而國家日衰則幾何其不  
亂且亾哉於是時也加之女據尊位恣行淫穢嬖  
幸用事羣盜并起及至景哀荒淫無度與宮人左

右出遊鮑石亭置酒酣醑甄萱之兵猝至而不覺也與夫門外韓擒虎樓頭張麗華無以異矣若敬順之歸命太祖雖非獲已亦可嘉矣乃能封府庫籍郡縣以歸之其有功於朝廷有德於生民甚大昔錢氏以吳越入宋蘇子瞻謂之忠臣今新羅功德過於彼遠矣我太祖妃嬪衆多其子孫亦繁衍而顯宗自新羅外孫卽寶位此後繼統者皆其子孫豈非陰德之報者歟

史氏曰金富軾以金傅比之錢氏而謂功德遠過有何所見而然歟吳越之於宋奉藩述職君臣之

分定矣新羅之於高麗與此不同蓋秦封者新羅  
之叛賊麗祖秦封之臣也雖秦封既斃麗運曰昌  
然新羅之於高麗未嘗屈膝稱藩一朝棄宗社獻  
土地北面而朝可乎錢氏則自鏐因黃巢之亂始  
據吳越子孫相承歷五季至宋太宗獻十三州仍  
留宿衛以累代藩臣一朝效順納土非以諸侯屈  
已辱身之比也金傳雖賊嘗所立衰微不振新羅  
三姓相傳幾一千年其濼仁厚澤足以固結人心  
若臣若民豈無自靖自獻如三仁者忠先王之澤  
而不怠如殷民者乎况王子論天命人心反覆切



諫奈何敬順拒孝子之諫乃以一千年祖宗之重  
器數千里之提封稽顙拱手與之他人乎敬順之  
於高麗弱不可強危不自存自強爲善以待天時  
可也如不獲已合餘燼背城借一死於社稷可也  
顧不省悟身爲降虜北面稱臣匍匐進退於麗之  
闕庭其異於晉愍吳皓者幾希矣後雖富貴薰炙  
外孫繁衍安能雪亾國失身之大耻乎如敬順者  
大節已亾餘不足取富軾比而等之錢氏復何所  
見而然耶

史氏按始祖之生異於常人是蓋天命匪人爲也

當此時叢爾三韓各保一隅徒事干戈互相侵伐  
無君臣名位之分始祖年方幼冲爲國人推戴其  
寬厚足以有容其雄偉足以濟民建邦設都築城  
郭營宮室勸督農桑不伐隣寇使民敬讓至於夜  
戶不扃倭人感德而不犯卞韓舉國而來降樂浪  
服其有道沃沮稱爲聖人享國六十年之間家給  
人足民不見兵以基一千年之業其殆天授乎南  
解遺命朴昔二姓以年長而立新羅氏三姓相傳  
實兆於此儒理從父亂命率傳之昔氏非貽謀燕  
翼之道也脫解以南解之壻不當立而立又惑雞

林金積之說養閑智爲子使新羅重器卒歸之金  
氏惜也然其終也不傳於子而傳於儒理之子視  
後世貪天之位欲傳已子而推刃同氣者何其賢  
也婆娑節儉愛民勸農桑問高年廉察州郡屏黜  
尸素謹天灾恤民隱年穀屢登可謂守成之良主  
也祗摩逸聖守而不失阿達羅粗保厥位及薨無  
子國人又立昔氏之後伐休能占天時又知人邪  
正奈解睦隣恤民助賁臨事明斷沾解不能強國  
恟於海寇使大臣見殺辱國甚矣味鄒金闕智之  
裔繼朴昔之後得有大寶新羅易姓今已三矣其

授受雖未盡得宜然王能留意刑政訪民疾苦務  
農桑省經費有人君之德金氏之興其兆於此乎  
儒禮基臨皆昔氏之後儒禮之委任重臣基臨之  
威信隣敵猶足可稱訖解忘父之讎聽婚島夷終  
受侵辱昔氏之祀於斯絕矣奈勿亦金氏也能以  
武略自守實聖嘗質高勾麗挾憾於前王欲殺其  
子而後忒於心其及也宜矣訥祗篡立新羅氏三  
姓相讓之風至是掃地慈悲救患禦寇炤智謙恭  
自守然而晚年魚腹得免豫且之禍幸矣智證銳  
意圖理定國號稱王洗累朝因循之陋頒喪制禁

殉葬有足多者法興始崇佛教信之既篤奉之愈  
謹唱爲裔戎之邪說聳警斯民爲新羅基禍之主  
又不知春秋大一統之義僭行年號越禮犯分甚  
矣真興佞佛尤甚創興龍皇龍二寺鑄成丈六金  
身浚民膏血且屈千乘之尊爲桑門之行方袍圓  
頂以終其身遂使佛刹半於閭閻齊民盡爲緇褐  
流禍無窮真聖享年不永真平享國雖長而繼嗣  
不定卒以神器付之女兒之手善德真德皆以陰  
居尊北雞司晨邦家抗捏天厭穢德太宗挺生以  
不世出之資奮大有爲之志倚任良佐言聽計從

至誠事大衣冠文物並從唐制崇獎節義激勵將  
士仗天朝之威靈雪百濟世讎雄視高勾麗如囊  
中之物將取而有之享年不永功業不究惜哉文  
武以英明之資承先人之烈請唐兵滅高麗始一  
三韓克成前志何功烈之盛也乃何納高麗叛衆  
據百濟故地得罪於唐幾不自保乎神文孝昭聖  
德僅能守成孝聖感佛滋甚景德訥忠諫定州號  
優於孝成惠恭荒于聲色身且不保宣德躬行不  
道元聖與聞于故昭聖短祚哀莊昏弱憲德篡弒  
禍亂相仍興德不惑左道遇災知懼猶可稱者僖

康得不以正竟爲金明所害蓋自神文以降朴散  
淳漓亂賊接踵其禍蔓延至是極矣神武能知討  
賊復讎之義義旗一揮而元惡授首撥亂反正人  
心痛悵羅之國勢幾危而復振文聖憲安景文憲  
康之時中外寧謐民物阜成盛極而衰理固然也  
定康昏闇復以大器付之女弟其家法所由來遠  
矣真聖淫恣浮於唐墨斲喪邦基新羅氏之亾於  
茲凌矣自是羣盜蝟起弓裔叛北原甄萱據完山  
生民塗炭疆宇日蹙孝恭昏弱特寄生之君耳神  
德景明景哀又以朴氏之遠裔當叔季之衰僅能

相繼國事日非爲之何哉况當景哀之時甄賊跋  
扈侵逼郊畿猶且荒淫遊佚晏然自肆鮑石之樂  
方酣而萱兵奄至君臣被戮宮闈見辱言之可謂  
於邑敬順亦以金氏之後爲釐所立天命已去人  
心已離以區區一州之地生聚圖存固亦難矣然  
不能效死一朝甘爲降虜宗社丘墟嗚呼惜哉



東史纂要卷之四

高麗紀

太祖神聖王

諱建字若天姓王氏母韓氏

○十九年丙申

後晉天福元年

王納匝千金億廉之女初金傳之降王待以厚禮使告曰今王以國與寡人為賜大矣願結昏好傳曰我伯父億廉之女德容雙美可以備內政王納之生子郁是為顯宗之考安宗○後百濟將軍朴英規請降英規甄萱女婿也密語其妻曰大王勤勞四十餘年功業垂成一朝禍生蕭牆失地寄人舍吾君從逆子將何顏見天下之義士乎况聞高麗王公仁厚得民

殆天授也。蓋致書慰吾君兼及王公，以圖將來之福。乎妻曰：是吾意也。於是遣人致意，王喜厚賜使者兼謝英規。○甄萱請討賊子神劔，王與萱親率三軍直擣神劔所在虜將軍所康等士卒三千二百人，斬五千七百餘級。神劔與二弟及文武官僚降，所獲將士悉還本土。數能免囚父立子之罪，誅之以神劔爲人所脅，且歸命乞罪，特原之。甄萱憂懣發疽死，王八後百濟都城存問，將士量才任用，軍令嚴明，秋毫不犯。州縣按堵流良，劔龍劔尋殺之。授朴英規爵佐丞。

金富軾曰：新羅數窮，羣盜蝟起，狀其劇者曰裔甄。

萱二人而已弓裔本新羅之孽而反以宗國爲讎  
圖夷滅之至斬先祖之畫像其爲不仁甚矣甄萱  
起自新羅之民食新羅之祿而包藏禍心幸國之  
危侵軼都邑虐劉君臣若禽獮而草薶之實天下  
之元惡大憝故弓裔見棄於其臣甄萱受禍於其  
子皆自取之也又誰咎也

王旣定三韓欲勵臣子以節義遂自制政誠一卷誠  
百僚書八篇頒中外○二十一年西天竺僧來王備  
威儀法駕迎之○始行後晉年號○耽羅國太子末  
老來朝賜星主王子爵○二十二年佐丞龔直率直

燕山昧谷人有勇略羅末為本邑將軍見時方亂遂  
投甄萱以二子直達金舒及一女為質直知萱無道  
必凶諭直達以歸附高麗之意遂與其子英舒來朝  
王喜拜大相又以貴戚女妻英舒萱怒收直達及弟  
妹烙斷股筋○二十三年初定役分田自朝臣至軍士  
視人性行善惡功勞大小給之有差○改諸州郡號○二十五年契丹  
遣使來遺橐駝五十匹王以契丹嘗與渤海連和一  
朝殄滅此為無道之國不足遠結為隣流其使三十  
人于海島繫橐駝萬夫橋下皆餓死

史氏曰交隣國柔遠人固封疆謹使命者萬世保

國之長策也契丹之失信於渤海何與於我而為  
渤海報復拒其來使甚矣而流之海島却其橐駝  
甚矣而致令餓死絕之如仇讎彼之報我以仇讎  
無足恠也自是邊釁日浚至成宗其禍燎原迨顯  
宗乘輿南遷國之不亾如綫其禍已滔天矣下逮  
高宗其遺種為患孔棘究厥所由皆麗祖待強寇  
失其道之致然也可勝歎哉

二十六年

後唐天福八年

王召大臣朴述熙親授訓要十條

以訓後嗣

其一我國家大業必資諸佛故創立寺院  
後世禁相換奪其二諸寺院道誡占定外

禁增創造其三元子不肖者與其次子次子皆不肖  
者與其兄弟中羣下推戴者其四契丹禽獸之國衣

冠制度慎勿效其西京水德調順地脈根本四仲  
巡駐其六燃燈事備八關事天禁後世姦臣建白加  
減其七從諫遠讒其八車峴以南公州江外形勢背  
逆人其心亦然彼下州郡人不宜使在位用事禁國戚  
昏姻其九定制祿恤兵卒其十敬戒無虞圖  
揭無逸篤十訓之終皆結以中心藏之四字

史氏曰麗祖始一三韓創業垂統宜往求古先哲  
王貽謀燕翼之道垂憲萬世可也今作訓要其條  
凡十而一則曰奉佛二則曰創寺丁寧反覆于燃  
燈八關山水地理之說從諫遠讒輕徭薄賦儆戒  
無虞顧居其末欲以此訓後世子孫效尤以為家  
法惠定以後佛氏之禍日新月盛馴致於妖僧遍  
照而王氏之祀遂絕惜哉

五月王不豫疾大漸御神德殿命學士金岳草遺詔  
有頃而薨宰臣王規出宣遺詔太子卽位喪葬園陵  
依漢魏二文故事悉從儉約遺命也葬顯陵

李齊賢曰太祖規模德量生於中國當不減宋太  
祖其好生惡殺而信賞必罰推誠功臣而不暇以  
權創業垂統固宜一揆也

史臣曰太祖御下以寬而賢智效力待人以誠而  
遠近響應好生之仁出於天性恤民之心發乎至  
情甄萱父子相夷則伐而取之金傅君臣來附則  
禮以待之以契丹之強而侵滅與國則絕之以渤

海之弱而失地無歸則撫之屢幸西京以為根本之地也親巡北鄙以連犷悍之俗也草創更始雖未遑於禮樂而其規模遠略浚仁厚澤固已培養五百年之國脉矣

惠宗義恭

韓武字承

○元年甲辰

後晉出帝

○二

年大匡王規謀立廣州院君將弒王事覺而王不之罪太祖納王規女生一子曰廣州院君規嘗譖王弟堯及昭有異圖王知其誣恩遇愈篤司天供奉崔知夢奏流星犯紫微國必有賊規一夜伺王睡遣其黨潛入臥內將弒之王覺之一拳即斃令左右曳出不



復問一日王違豫崔知夢又奏將有變宜移御王潛徙重光殿規夜帶人穴壁而入寢已空王知規所爲而亦不罪之

史氏曰太祖能駕馭羣雄創大業也而不知規之匪人使之居股肱之地付托孤之任惠宗能繼體守文也而知規逆謀拱手謹避高麗五百年君弱臣強之端已兆於此矣

王以長公主妻弟昭公主從母姓稱皇南氏王聞知夢皇變之奏意規謀害堯昭之應乃以長公主妻昭用強其勢

史氏曰取妻不取同姓禮也雖百世昏姻不通况  
至親乎惠宗之以公主妻昭何也太祖不世出之  
主也有志化俗而狃於習俗不能變自是厥後視  
為家法恬不為異言之醜也

秋九月王薨王氣度恢弘從征百濟有功自經王規  
之變多所疑忌喜怒無常罕少並進內外嗟怨弟堯  
即位知規逆謀密與西京大匡式廉謀及規將作亂  
式廉引兵八衛竄規于甲串追斬之並誅其黨

定宗文明王

諱堯字義天太祖  
第二子母劉氏

元年丙午

後晉開  
運三年

王奉佛舍利步至開國寺安焉又以穀七萬碩納諸

寺院○置光軍司初崔光胤以資貢入晉為契丹所

虜以才見用知契丹將侵我為書以報於是選軍三

十萬號光軍光胤彥撫子也○三年後漢始行後

漢年號○大匡王式廉卒弟也諡威靜○四年王薨

母弟昭受內禪立王信圖讖將移都西京發丁夫營

宮闕抽開京民戶實之怨讟胥與及薨役夫喜躍

光宗大匡諱昭字○元年庚戌後漢乾春正月大

風拔木王問穰灾之術司天奏曰莫如修德自是常

讀貞觀政要○二年後周始行後周年號○九

年命翰林學士雙冀知貢舉試以詩賦頌及時務策

取進士及第自此文風乃興冀周人從冊命使薛文  
遇而來病留王愛其才表請為僚屬遂擢用授以文  
柄倡以浮華之文時議不愜○命有司按檢奴婢推  
辨是非奴多背主凌上之風大行○十一年宋太祖  
建隆元年庚定百官公服○評宸書史權信譖大相俊弘佐  
丞王同等謀逆貶之自是讒佞得志奴訴其主子讒  
父母囹圄常溢別置假獄無罪被戮者相繼王猜忌  
日甚一子由亦自疑阻人人畏懼莫敢偶語○十三  
年遣使朝宋翌年冬始行宋年號宋冊命使時贊來  
贊等在海遇風溺死者九十人贊獨免○十五年甲司徒朴守卿平守

卿性勇烈多權智事太祖從征四方功最多為元甫  
及定宗初削平內難至是三子被讒下獄憂恚而卒  
○十九年創弘化遊巖三歸寺以僧惠居為國師坦  
文為王師王信讒多殺內懷疑懼欲消罪惡廣設齋  
會無賴之徒詐為出家以求飽飫列置放生所禁斷  
屠殺○二十六年王薨王禮待臣下明於聽斷恤貧  
弱重儒雅中歲以後信讒多殺好佛奢侈太子即位  
大赦還流竄放囚繫拔淹滯蠲欠債減租調毀假獄  
焚讒書中外大悅

景宗

諱佑字

○元年丙子

宋太宗太平  
興國元年  
宋遣

使冊王○遣使如宋賀卽位○放執政王誥于外禁  
擅殺復讎初王許先朝被讒人子孫復讎遂相擅殺  
誥託以復讎矯殺太祖子天安府院君於是貶誥○  
始定職散官各品田柴料○三年夏政丞金傅殂諡  
敬順○五年以崔知夢爲大匡內議令東萊郡侯食  
邑一千戶一日知夢奏客星犯帝座願王申戒宿衛  
未幾王承等謀逆伏誅○六年秋王疾彌留遺詔內  
禪于堂弟開寧君治薨王溫良仁厚不好嬉遊遽厭  
萬幾沉溺聲色昵近小人疎遠君子政教衰替○王  
卽位追尊先考廟號戴宗

成宗文詔

諱治字溫古太

○元年壬午

宋太平興國七年

王以八關會雜技不經悉罷之○改百官號以內議省為內

史門下廣評省○令京官五品以上各上封事論時

政得失上柱國崔承老上書語在承老傳○遣使如

宋告嗣位○二年春正月王祈穀于園丘配以太祖

躬耕籍田祀神農配以后稷○始置十二牧始定三

省六曹七寺○宋遣使冊王○命取進士臨軒覆試

賜姜殷川等及第殷川即邯贊也○三年夏命刊官御史李

謙宜城鴨綠江岸以為關城女真以兵遏之虜謙宜

而去軍潰不克城還者三之一○四年宋雍熙二年宋將

伐契丹收復燕薊以我與契丹接壤遣使賫詔諭以

同力盪平之意王始遲難久乃許發兵○新定五服

給暇式斬衰齊衰三年給百日期年三十日小功十五日總麻七日○五年

下教黑倉賑貸所儲未廣其益米一萬石改名義倉

又於諸州府各置義倉○教曰寡人素慙薄德尚切

崇儒今諸州所上學生慮有患鄉之人皆令從優去

留其歸寧學生二百七人可賜布一千四百匹留京

學生五十三人亦賜幘頭一百六枚米二百六十五

石○始令十二牧挈妻子赴任教曰上帝不言列星

辰而炤下大君施化藉賢彥以分方咨爾牧民之官



無滯獄訟懋實倉廩賑恤窮民勸課農桑輕徭薄賦

處事公平○遣崔罕王琳如宋八學後登賓貢科還○

六年內史令崔知夢卒幼名聰進性清儉慈和聰敏

嗜學博涉經史尤精於天文十筮年十八太祖聞其

名召使占夢得吉兆曰必將親御三韓太祖喜改名

知夢授供奉常從征伐及即位八侍禁中以備顧問

嘗從光宗幸寺被酒失禮貶隍傑縣凡十一年景宗

朝召還授內議令及王即位加左執政守內史令上

表乞骸年八十一卒諡敏休配享景宗廟庭○置十

二牧經學醫學博士頒教曉諭經邦之自昔御極之君

常而設教資六籍以取規故乃有真開上下之庠夏  
后置東西之序殷修兩學周立二膠擇先生而討論

命國子以肄習况復保生之理療病為先故乃神農  
御宇備嘗藥草秦帝焚書不滅醫經將除百姓之艱

危要廣十全之方術終曰若有營憲勵志鱣肆明  
經孝弟有聞醫方足用其州牧縣官具錄薦貢

左補闕李陽上封事其一按月令立春前出土牛以  
示農事之早晚請舉故事其二

躬耕籍田王后獻種願依周禮其三按月令正月  
氣後犧牲母用牲禁止伐木無麇無卵無聚大眾掩

駘理皆願布行春之願命教曰李陽所論皆據典經宜頒兩京百

司及十二牧知州縣○八年春教曰聞朝野士庶之

病者未見醫亦無藥物不得瘞者多自今内外文官

五品武官四品以上疾病並遣醫資藥往治之羣臣

上表謝○始置東西北面兵馬使以門下侍中中書

令尚書令爲判事判事留京兵馬使赴鎮○大學助  
教宋承演超九等授國子博士羅州牧經學博士全  
輔仁賜公服一襲米五十石教曰二人誘以能諄合  
宣父博文之意誨而不倦副寡人勸學之心宜加獎  
擢用示殊寵○始營太廟王躬率百官輸材○九年  
遣使六道訪求孝子順孫義夫節婦有孫順興等十  
人並令旌表門閭差遣金審言等往賜穀人一百碩  
銀盂二事彩帛布六十八匹別將趙英超授銀青光  
祿大夫賜公服一襲銀三十兩絲二十四匹○冬幸西  
都巡視關河夷險兼知黎庶安危儀仗從官御膳樂

官皆令減損所過州郡及驛賜米有差高年及篤疾者並賜布米○冊姪誦爲開寧君○置修書院於西京令諸生抄書史籍而藏之選差院官○十年始立社稷○逐鴨綠江外女真於白頭山外居之○十一年春赦曰殷宗徵用胥靡周王登庸漁師故能匡扶社稷經濟邦家朕內開庠序外置學校猶未致懷寶出衆之士安知無蔽賢防能之人凡有文才武略者聽詣闕自舉又教京官五品以上各舉一人其德行才能具疏名下○流郁于泗水縣郁太祖第八子也丞景宗妃皇甫氏有娠一日妃宿郁第王知之乃流

郁妃還其第纔及門胎動擊門前柳免身而卒妃薨  
宗女妃嘗夢登鵠嶺旋流溢國中盡成銀海卜之曰  
生子則王有一國王擇傅姆養其兒乃送于郁兒卽  
詢也○立國子監給田庄○十二年置常平倉于兩  
京十二牧○立五廟兄弟一行以惠定光景四主通  
爲一廟祔太廟○契丹蕭遜寧侵西鄙語在徐熙傳  
○十三年宋淳化二年契丹始行契丹年號遣使奉  
表如契丹乞還俘口○王親禘于太廟躋戴宗于五  
室大赦大酺三日○遣使如宋乞師以報契丹宋以  
北鄙甫寧不宜輕動但優禮遣還自是與宋絕○十

四年改定官制又定十道四關內道中道嶺南道嶺東道

南道海陽道朔○十五年契丹遣使冊王○十六年

秋王幸東京宴羣臣奇材異能隱滯丘園者令搜訪

以聞義夫節婦孝子順孫旌門賜物所過州縣減今

年田租之半遂幸興禮府御大和樓宴羣臣捕大魚

於海中王不豫還京都冬十月王疾大漸召姪開寧

君誦傳位移御天王寺平章事王融請頒赦王曰死

生在天何至釋有罪枉求延命乎遂薨王天資嚴正

器宇寬洪立宗社崇節義求賢卹民以移風易俗爲

務然以光宗之女弘德院君之妻爲妃其失大矣

史氏曰配匹之際生民之始萬福之原成宗守文之主至於納妃頗有慙德蓋所謂劉后者於已為堂姊妹諱稱外姓其失一也嘗適宗室弘德院君今納為妃其失二也尊崇失身者為宗廟主其失三也一舉而三失焉古之明君莫不刑于寡妻以御于家邦其家不可教而能教人者無之成宗雖致少康而後嗣遂絕良有以也惜哉

復宗

諱誦字景宗

○元年戊戌歲

和契丹

統太保內史令徐熙卒○契丹遣使冊王○

遣侍郎朱仁紹如宋○四年王欲巡省風俗幸中原

府宴羣臣○六年千秋太后皇甫氏與外族金致陽

通生一子謀為王忌大良君詢逼令為僧出居三角

山神穴寺○九年六月震天成殿鳩吻○有山湧于

耽羅海中山之始出也雲霧晦冥地動如雷晝夜始開霽山高百餘丈周圍可四十餘里無

草木烟氣鬱其上○彗星見○十二年春王不豫召

大良院君詢于神穴寺仍徵西北面巡檢使康兆八

衛語在崔沆傳○二月己丑大良院君詢即位棘鞅

稱二康兆聞徵命行至洞州細人魏從等給曰太后

與致陽謀矯命徵之兆懼復還營與李鉉雲等領兵

來謀廢立聞已召大良君亦遣人迎之直入城逼王



出寺俄而太良院君至即位北邊廢前王誅致陽父  
子○康兆弒前王于積城太后遜于黃州臣民莫不  
痛憤而新王未之知也

李齊賢曰慶父犯禮於魯不韋嫁禍於秦齊桓尸  
姜始皇輶毒何救萬世之恥哉穆宗不戒覆車之  
轍防閑於初子母俱罹其殃社稷幾亾惜哉

罷銀臺中樞南北院置中臺省以三官機務悉歸之  
以康兆爲中臺使俄又爲吏部尚書叅知政事李鉉  
雲爲中臺副使蔡忠順爲直中臺○罷教坊宮女一  
百人毀閭苑亭珍禽奇獸龜魚之類放之山澤○追

王皇考郁廟號安宗○納成宗女為妃○以翰林學士崔沆為師傅

顯宗

諱詢字安世母皇南氏

○元年庚戌

宋大中祥符三年契丹統

和二十春二月復燃燈會

國俗正月望燃燈二夜成宗廢之

○流尚

書郎中河拱辰和州防禦郎中柳宗于遠島拱辰嘗從事兩界擅發兵擊東莒真見敗柳宗擅殺來朝女

真九十五人於和州館○秋契丹遣給事中梁炳大

將軍耶律允來問前王之故○以康兆為行營都統

使李鉉雲副之領兵三十萬軍于通州以備契丹○

冬契丹遣使來告興師叅知政事李禮鈞右僕射王

同穎如契丹請和契丹又遣將軍蕭燧來告親征○  
復八關會成宥罷之幾三十年崔沆請復之○十一  
月契丹主自將步騎四十萬渡鴨綠江至通州執康  
兆誅之先是兆出通州分軍爲三隔水而陣以劔車  
排陣丹兵至合攻之無不摧靡兆遂有輕敵之心與  
人彈棊丹兵先鋒擊破三水砦兆聞報不信再告急  
兆驚起恍惚若見穆宗立于後叱之曰汝奴天伐詎  
可逃耶兆卽脫鍔長跪曰死罪死罪言未訖丹兵已  
縛兆去諸將佐皆被執乘勝追奔斬首三萬餘級丹  
主問兆不屈問鉉雲對曰兩眼已瞻新日月一心何

憶舊山川遂斬北長驅攻破西京十二月辛未王南  
幸語在智蔡文揚規等傳○二年春正月乙亥契丹  
陷京城焚燒太廟宮闕民屋皆盡丁丑河拱辰高英  
起至丹營乞班師丹主許之遂留拱辰乙酉丹兵退  
○丁亥王入羅州乙未回駕二月丁巳次清州○監  
察御史安鴻漸上言丹兵至長湍風雪暴作紺岳神  
祠若有旌旗士馬丹兵懼不敢前昔符秦伐晉望見  
八公山草木變爲晉兵畏而退去神明所贊今古何  
殊請令所司修報祀從之○設燃燈會于行宮後  
以二月望○丁卯還京都○王教諸宰曰語云危而不

持顛而不扶將焉用彼相書曰惟木從繩則正后從  
諫則聖朕自叨纘服備歷艱危夙夜兢愧忠免厥愆  
卿等勉輔不逮且無面從○遣使契丹謝班師是後  
使价不絕○三年以崔士威爲內史侍郎平章事崔  
沆吏部尚書叅知政事蔡忠順禮部尚書○禮官請  
令中外賀生辰王教曰寡人早值凶閔永違供養每  
及劬勞之日益切追感之心忍以悲懷而爲慶會兩  
京諸道進賀一切禁止只置祝壽道場○契丹詔王  
親朝遣侍郎田拱之如契丹告王病不能親朝丹主  
怒詔取興化通州龍州鐵州郭州龜州等六城○納

敬章太子女爲妃章彙宗○五年契丹中祥符七年

夏四月王親禘于齋坊時太廟未成每值時祭各

於本陵遣官行事王曰昔在晉朝大室燒毀杜預謝

鯤等奏修嘉德明權安神主以行祭禮今予不德致

令清廟拯災惻愴雖浹興營未暇乃欲先造木主置

于齋坊於是禮官議修齋坊權安神主始以穆宗祔

○中樞使姜邯贊請修社稷壇令禮司議定儀注○

遣內史舍人尹徵古如宋獻良馬二十匹仍請歸附

如舊帝詔登州置館待之○冬十月契丹兵大敗而

遠契丹連歲遣使責取六城不從至是遣蕭敵烈來

侵通州興化鎮將軍鄭神勇別將周煥設奇邀擊車  
七百餘級溺江死者甚衆○上將軍金訓崔質等率  
諸衛作亂流中樞使張迺祐日直皇甫愈義庚戌用  
兵以來增置軍額由是百官祿俸不足愈義等建議  
奪京軍永業田以充祿俸武官頗不平質又以不得  
文官常快快至是訓質朴成等十餘人以奪田激衆  
怒諭諸衛軍士鼓譟闖入禁中縛迺祐愈義捶撻垂  
死詣閣面訴請除國蠹用愷羣情王遂流迺祐等罷  
御史臺置金吾臺罷三司置都正署令武官常叅以  
上皆兼文官從訓等請也

史氏曰顯宗德康兆迎之之謀不加叛逆之罪卒  
召強寇乘輿播遷亦可自省矣及其南巡羣不逞  
之徒屢犯行宮皆置而不問爲惡者何所懲艾乎  
金訓崔質等皆起行伍濫廁諸將以不得文官濛  
懷快鬱稱兵向闕鞭撻簪紳陰兇旣極亂逆已著  
王宜顯戮以謝一國可也顧乃脅於虐賊含默拱  
手罷御史立金吾罷三司置都正老兵麤卒皆兼  
文職癰疽已結於心腹幾不可救藥矣嗚呼人徒  
知武夫之勦殺文臣自領其職在於毅宗之朝而  
不知已基禍於今日寧不爲顯宗惜也



六年王偽遊西京誅金訓崔質及其黨十九人語在

王可道傳○契丹遣使又索六城拘留不遣秋再遣

使侵索○契丹來攻通州大將軍鄭神勇等擊殺七

百餘級神勇等六人死之自是與契丹兵連禍結○

七年奉太祖梓宮復葬顯陵庚戌之亂移安于負兒山香林寺至是還葬是

後戊午丹兵之至又移香林寺十年復葬○遣郭元如宋告契丹連侵帝

以契丹既受盟難於答辭學士錢惟演草詔略曰念

卿本道固深軫於懷忠睦乃隣封亦久從於盟好所

期輯睦用泰黎蒸帝覽之喜曰雖契丹見之無妨密

令館伴張師德開諭元曰天子一統寰海猶且養卒

習戰以備北方况貴國與之連境結好息民是遠圖

也○以異膺南徐訥等十二人並為司憲臺官司憲

臺栢樹枯死有年復生○復行宋年號○九年宋天禧二

年契丹開西女真木史木開等二百餘戶來投○十

年姜邯贊姜民瞻等擊丹兵於龜州大敗之語在邯

贊傳○鐵利國酋那沙遣使來獻馬後又請歸附○

宋泉州陳文軌等福州虞瑄等二百餘人來獻土物

○十一年遣李作仁奉表如契丹請稱藩納貢如故

是後遣使不絕○以安西道屯田一千二百四十結

施納玄化寺兩省論之不從○贈崔致遠內史令從

祀先聖廟庭太祖在潛邸致遠貽書有雞林黃葉鵠  
嶺青松之句謂密贊祖業功不可忘有是命○十二  
年中樞使尹徵古卒徵古樹州守安縣人性沉重嚴  
毅美風儀善楷書累爲臺官裁浚平允口不言人短  
而人畏愛之計聞王曰世豈復有斯人嘆惜再三謚  
莊景○知中樞使姜民瞻卒文宗初以民瞻擊敗丹  
兵俘斬萬級追念其功圖形閣上○十三年契丹遣  
使冊王仍賜車服儀物自是復行契丹年號○十五  
年押自春旱甚王輟膳齋沐立殿庭仰天祝曰寡人  
有過請卽降罰萬民有過寡人亦當之乞垂膏澤以

敕元元遂大雨○禮部尚書周佇卒佇宋溫州人穆  
宗朝隨商舶來蔡忠慎知其才奏留之遂掌制誥王  
南幸扈從有功性謙恭工文翰交騁辭命多出其手  
恩遇無比○西域大食國悅羅慈等一百人來獻土  
物○二十年契丹宋天聖七年春正月千秋太后卒  
葬幽陵

史氏曰詩曰亂匪降自天生自婦人致陽之構亂  
唐兆之叛逆穆宗之遇害乘輿之播遷契丹之侵  
軼皆千秋淫穢不禮之所使也昔文姜與齊襄通  
與聞乎故其如齊去其姓氏以遜書之以示貶絕

今千秋之遜于黃州與文姜同去姓氏變薨書卒

者漢著大惡不道之罪法春秋王法之大義也

築開京羅城高二十七尺廊屋四千九百一十六間步

○王謂宰相曰女真屢犯邊陲宜招諭渠帥厚加賞

賜此所謂以德懷人也叅知政事郭元曰女真人面

獸心與其懷之以惠曷若震之以威王然之○契丹

東京將軍太廵琳渤海始祖太孫叛契丹國號興遼遣

使告建國兼救援已而引東北女真攻契丹自此路

榷與契丹不通未久興遼亡○二十二年夏四月王

薨王性聰悟仁惠敏於學工詞翰太子欽卽位

史臣崔冲曰傳稱天將興之誰能廢之顯宗以姨  
母貽孽戎臣構逆強隣伺釁京闕俱燼乘輿播遷  
艱否極矣反正之後和戎結好偃武修文薄賦輕  
徭登崇俊良修政公平內外底寧農桑屢稔可謂  
中興之主矣

李齊賢曰崔冲之言世所謂命也勾踐嘗膽雪耻  
會稽小白忘莒遺患於齊人君恃有天命縱欲敗  
度雖得必失之是故君子理患亂安患危慎終如  
始以對天休如顯宗所謂吾無間然者乎

甲戌

王曉

王率羣臣成服百姓玄冠素服葬後羣臣

公除王釋服○檢校太師門下侍中天水郡開國侯  
姜邯贊卒○設國子監試取鄭功志等六十人試以  
賦及六韻十韻詩監試始此○命侍中致仕崔士威  
五日一朝

宋徽宗

元諱欽字鈺良母

○元年壬申

宋明道元年契丹重

熙元以王可道監修國史李端平章事皇甫愈義吏  
部尚書舊制宣麻於家至是集百官宣於乾德殿○  
二年命平章事柳韶創置北境關防起自西海濱古  
國內城界鴨綠江八海處東跨威遠朔州等十四城  
括和州等三城東傳于海迤袤千餘里以石為城厚

各尺二十〇三年納顯宗女為后〇宴羣臣於文德殿

勞柳韶等開拓關城之功〇秋王寢疾傳位于弟平

壤君亨冕王性剛斷有執居喪盡孝任用舊臣徐訥

崔冲王可道黃周亮之儔朝無欺救民安其生

**高宗本意**  
高宗字神炁〇元年乙亥契丹景祐二年

年以崔冲為中樞使刑部尚書〇契丹來遠城牒興

化鎮責其阻絕通好築城堅寨繼乃恐劫寧德鎮迴

牒溫辭備陳略曰義文設險有土常規曾國廢關通

戲涉〇築長城於西北路松嶺迤東以拒邊寇之衝

又城梓田徙民實之號昌州〇二年制以立夏節進



冰初王下制今年不早熱其待五月進冰有司奏曰

日在北陸而藏冰西陸而出之獻羔而啓之藏之也

周用之也徧則無愆伏凄苦之灾若於五月進冰則

有乖古法非所以調陰陽也請以立夏進之從之

祔德宗於太廟初王問昭穆之制於徐訥黃周亮黃

昭穆之文憲定光戴同班為昭景成為穆穆宗為昭

而顯宗祔於穆廟則二昭二穆與太祖之廟而五今

祔德宗數過五廟請遷憲定光三宗藏于太祖廟西

壁戴追王之主遷祭於其陵可也劉徵弼言太祖廟

曾祖行親未盡故憲定光三宗不必遷惟遷戴宗於

陵而祔德宗於次室可矣周亮等言徵弼論親未盡

之義亦以一時四廟難於遷毀其言如是臣聞前典

云親過高祖則毀其廟自禰祖曾高以上論親盡未

盡非以旁親也思定光在從祖行不可比於親祖音

胥鍾雅奏言景皇帝不以伯祖而祭於廟宜除伯祖

胥鍾雅奏言景皇帝不以伯祖而祭於廟宜除伯祖

之文朝廷從之則從祖不入於廟明矣惠定光戴俱  
宜遷毀王謂一時而遷四神主意所未安欲從徵

議周亮復執前議徵弼惟論四朝遷毀之難不論昭  
穆之數宗廟之禮國之大事胡可臆斷若以德宗為

昭則三昭二穆與太祖為六廟非古制也若論冰系  
次第以顯宗為第一穆次于景成位而降穆宗於其

下則公羊所謂僖閔逆祀也徐訥曰周亮之奏合於  
右制然魯國有諸侯昭穆之外有文世室武世室惠

定光三宗亦不  
可遷毀王從之  
三年遣使契丹奏復朝聘從徐訥

等議也  
女真仇屯高刀化二人與其都領將軍開

老爭財毆殺之下輔臣議  
是具類既歸化名載版

今因爭財毆殺其長罪不可原請論如法侍郎黃周  
亮等議曰此輩雖歸化為我藩籬然人面獸心不憤

風教不可加刑且律文云諸化外人同類自相犯者  
各依本俗法死其隣里老長已依本俗法出犯人一

家射物輸開老亮以贖其罪  
四年始行契丹平

自是使蓋往來相望○立賤者從母法○六年刑部  
尚書判御史臺事李周佐卒周佐東京人立朝四十  
餘年個儻環偉時稱得大臣體○七年兵部奏選軍  
別監選取文武官七品以上員子弟除業文赴舉外  
並充軍伍此雖安不忌危之慮然皆累世勳舊子孫  
故祖宗以來不與于役况在甲子丙子年間已有禁  
制請勿充隊伍從之○九年東女真將軍冬弗老沙  
伊羅等率化外女真八十人來朝奏云化外人安懷  
狼戾曾擾邊疆自今願為邊民每候隣寇動靜以報  
王嘉之厚賜金帛○城寧朔樹德二鎮東女真將軍

烏乙達等一百四十人來獻馬奏曰我等在貴國之  
境每慮醜虜來侵今築二城以防賊路故來謝○十  
二年王薨弟樂浪君徽受內禪卽位王仁孝寬弘英  
睿果斷復和契丹以保其國遺命山陵悉從儉約

宋

諱徽字燭幽顯宗第三子母元惠太后金氏

○元年丁亥

宋慶

曆七年契丹重熙十六年

以崔冲為門下侍中金令器金元冲侍

郎平章事李子淵吏部尚書叅知政事○制曰法律

明則刑無枉濫不明罪失輕重今所行律令或多訛

舛其令侍中崔冲集諸律官重加詳校務從允當○

契丹遣使冊王○二年設百座道場於會慶殿三日

飯僧一萬於毬庭二萬於外山名寺○契丹遣使賀  
 生辰歲以為常○三年饗八十以上國老庶者男女  
 及義夫節婦孝子順孫鰥寡孤獨廢疾于毬庭賜物  
 有差○五年厚賞孝子釋珠釋珠早孤無托為僧刻  
 木為父母形朝暮定省奉養如平日王曰丁蘭之孝  
 無以加焉命厚賞○八年定田制凡田一品不易之地  
 為上二品不易之地為中三品不易之地為下四品  
 易之地為田一結一易田准二結再易田准三結○九都

兵馬使奏契丹前太后皇帝詔賜鴨江以東為我國  
 封境朕或置城橋或置弓口欄子漸踰舊限今又創  
 立郵亭蠶食我疆曾史所謂無使滋蔓蔓難圖也於

是致書東京留守陳其不可冀奏註聰悉令毀罷契  
丹未有允請漸加墾田屯畜人物○門下侍中李子  
淵奏天地灾祥每與刑政得失相應不可不慎伏見  
吏部刑部務要辦理而日陵月替稽留未决者多乞  
令二部員僚精覈事理考其人吏勤怠而褒貶之則  
庶合聖上勤政恤刑之意天地休祥可致也○王下  
制曰繼統以來德政不修灾變屢見庶憑法力福利  
邦家其令有司擇地創寺門下省奏自古聖帝明王  
無有創起寺塔以致太平惟崇重法門慎省政教不  
傷民力則自然宗社靈長不允識者曰唐史稱列刹

盜衢無救危凶之禍緇衣滿路豈益勤王之師國家  
此舉豈非謬甚○十年創興王寺於德水縣移其縣  
於陽川知中樞崔惟善諫曰我太祖訓要曰國師道  
詵察山川順逆凡可以創造伽藍之地無所不爲後  
世嗣王貴戚臣僚無得爭侈願宇以虧地德今殿下  
承祖宗積累之基奈何罄民財竭民力以供不急之  
務耶王屢詔答之○遣侍御史金旦往討東蕃賊東  
蕃屢侵邊境旦承命往討誓衆曰臨敵忘家以身徇  
國分也我生死政在今日三軍感激奮勵勇氣自倍  
破其部落二十餘所○王下制分遣使諸州牧郡縣

按驗守令勤慢百姓苦樂所司以程驛民吏勞於迎  
送請停之王曰朕惟先代頻遣使臣採訪民瘼故宰  
民者悉務清廉以安民庶近見紀綱弛紊且無懲革  
不勤公事但謀私利里巷多囊橐之收田原罕桑麻  
之勸或地有魚鹽梓漆或家有畜產貨財皆被侵奪  
嚴加枷杖傷其性命懷冤抱痛無所苦陳問有欲正  
之者又因貴要之囑卒莫能行蠹民之害日益月滋  
官吏既已如此小民安得聊生朕晨夕孳孳釋其煩  
弊而當軸秉鈞者不以爲可何哉今以侍御史李攸  
績金若珍崔尚安民南閔昌壽爲撫問使分遣十三



道母或阻滯○作長源於西江餅嶽南道說明堂

邊有君子御馬明堂之地自太祖統一丙申歲○十

一年隕石于黃州聲如雷州上其石禮司奏曰昔宋

有隕石秦有星隕晉唐以降比比有之不關災祥遂

還其石○以校勘慶鼎相權知直翰林院中書省言

鼎相鐵匠之裔不宜清要職請削之王曰采葑采菲

無以下體蓋貴其可用者耳豈論世系○十二年内

史舍人崔尚奏昨伴送冊使王宗亮夜至金郊驛宗

亮見列炬曰郊餞被酒所以犯夜今觀貴朝禮樂一

似中華然三詣王府宴必張燈我朝之法惟昏夕許

用花燭人臣會客雖至侵夜不得然燭云臣亦念王者向明而治宜於大昕接見賓客况燈燭亦民膏血費用太多恐虧儉德昔陳敬仲飲桓公酒辭公火繼之命曰臣卜其晝未卜其夜乞自今宴好之禮只令卜晝辭歸之禮宜用會朝時從之○王欲於耽羅及靈巖伐材造船將通於宋門下省言國家結好北朝邊無警言急民樂其生若泄此事必生釁隙非永絕契丹不宜通使宋朝從之○十三年秋宴八十以上工部尚書洪楷上將軍何興休于閣門王親勸花酒歡宴盡日仍賜衣服又賜醕庶老及篤廢疾男女孝順

義節一千二百八十人于毬庭諸州郡縣亦同日賜  
酺○制兩京東南州郡一家有三子者許一子爲僧  
○十五年制曰刑政王化所先峻則民殘寬則民慢  
刑得其中陰陽和而風雨順法失其宜怨氣積而灾  
眚作虐臣酷吏世常有之朕適追訓誥篤慎典刑刑  
部員吏精擇委任乃自今定制必備三員訊鞫囚徒  
○十六年國子司業黃抗之考試甚濫始行貢闈封  
緘之法從舍人鄭惟產請也○以禮城江船一百七  
艘一年六運龍門倉米于麟龍鐵宣郭等州及威遠  
鎮以備軍糧○十九年王御文德殿覆試進士侍御

史盧旦奏事忤旨王怒使人曳出脫去公禰將縛之  
平章事崔惟善前奏人臣有罪當付憲司王怒稍霽  
然竟罷試貶旦員外郎○二十年丙午宋治平三年  
遼咸雍二年  
契丹改國號曰大遼遣使賀○二十一年春興王寺  
成凡二千八百間十二年而功畢王欲設齋以落之  
緇流盆集特設燃燈大會五晝夜自闕庭至寺門結  
綵綳連互相屬輦路左右又作燈山火樹光照如晝  
王備鹵簿率百官行香施納財襯佛事之盛曠古未  
有又造金塔以銀四百二十七斤爲裏以金一百四  
十四斤爲表○二十二年守太師中書令崔冲卒○

創南京新宮○王出子煦及窺為僧

史氏曰文宗號稱賢主而溺於異教使煦窺二子  
出家要福田利益其源一開子孫視為家法祝髮  
為僧者寔繁一時名門大族爭慕效之立嫡立嗣  
顧為末事其禍皆文宗啓之也

二十五年

遼咸寧四年

遣侍郎金悌奉表如宋由登

州八頁初宋人黃慎來傳帝意曰高麗古稱君子之

國累世輸款既後阻絕今聞其國主賢王遣人來諭

王悅厚待還之至是遣悌八頁○二十六年校尉巨

身謀廢王立王弟平壤公基事覺伏誅夷其族○二

十七年東女真歸順州都領古刀化等率衆內附又  
三山大蘭支櫛等村蕃長一千二百三十八戶來請  
附籍西女真酋長漫豆弗等請依東蕃分置州郡平  
虜鎮近境蕃首等亦願附籍永烏藩孥皆從之○遣  
使如宋謝恩獻方物○二十九年遣使如遼賀天安  
節○命凡科舉或三四五十年闕榜州縣人若登製  
述明經科給田十七結或百年後登第者給田二十  
結奴婢各一口○三十一年創置安興亭於洪州貞  
海縣以待宋使從太府少卿李唐鑑請也○三十二  
年宋元豐四年遣左諫議大夫安燾起居舍人陳

睡賢詔來賜王衣帶絲段樂器金銀器王迎詔禮畢  
太子率羣臣陳賀東西二京東北兩界兵馬使八牧  
四都護皆表賀時與宋絕久燾等初至舉國欣慶例  
贈衣帶鞍馬外所贈金銀寶貨米穀雜物無算將還  
舟不勝載請以所得物件質銀且日減供饌折價質  
銀兩使貪嗇國人唾鄙是後兩國使价連歲往來○  
三十四年東蕃作亂以中書侍郎文正同知中樞崔  
頤等將兵三萬出屯定州奮擊大破之文正等凱還  
褒功陞職○知太史局事梁冠公奏曰臘日自巳未  
以來依大宋曆法用戌日按陰陽書云近大寒前後

先得辰爲臘我國用此日久矣况古史夏曰嘉平殷  
曰清祀周曰大蜡漢曰臘其稱各異皆以平歲之功  
因獵取獸合聚萬物以報百神不宜擅變其法請委  
有司詳定施行允之○洪原縣民掘地得黃金一百  
兩白銀一百五十兩以獻王曰天賜也遂還之○三  
十七年秋七月王疾篤傳位于太子勳薨王性聰哲  
好學善射志略宏遠寬仁容衆上事遼宋下交隣國  
民賴以寧

李齊賢曰顯德靖文父作子述兄終弟及首尾幾  
八十年可謂盛矣而文宗躬勤節儉進用賢才度



民恤刑崇學敬老名器不假於匪人權威不移於  
近昵雖戚里之親無功不賞左右之愛有罪必罰  
宦官給使不過十數輩冗官省而事簡費用節而  
國富家給人足時號太平宋朝每錫褒賞之命遼  
氏歲講慶壽之禮東倭獻琛北貊受塵故林完以  
爲我朝賢聖之君也獨其徒畿縣作僧字侈峻字  
於宮闕侷崇墉於國都黃金爲塔百物稱是殆將  
比擬蕭梁而不知欲成人之美者歎息於斯焉耳  
王少有疾居廬哀毀疾益篤冬十月薨于喪次廟號

昭宗弟國原公暉承遺命卽位○遣侍御史李資仁

如遼告喪帝勅不許入京館詰問二君連逝必有他

故資仁對辨切直帝引見慰諭

宣宗思諱順宗字繼天○元年甲子宋元豐七年

遼遣使慰問祭文宗順宗○宋遣使弔祭九月宴宋

使○冬命以乾明庫平布一千餘匹製衣袴分賜戍

邊士卒○二年王屢幸寺院○王欲詣魂堂行祭有

司以無哭位難之王曰禮當從宜減法從而往

史臣曰為臣之道當匡其惡而順其美王未終制

與宋使宣樂有司不以為言至於魂堂乃朝夕所

臨有司獨以為難何哉

三年主妹積慶宮主適王弟扶餘侯遼先是王弟丕  
愔愉等諫不可娶同姓不從

史氏曰聖人制禮不娶同姓所以厚其別也新羅  
之初習俗鄙野娶堂從之親恬不知耻事唐以後  
漸識禮義知娶同姓之非禮也則乃援吳孟子之  
例變易姓氏敢行非禮其失甚矣高麗家法非特  
堂從雖姊妹亦不避三綱不正有夷狄之風皆假  
外親爲姓以之而示羣下聞上國奉宗廟社稷之  
祀當時羣臣莫之諫正幸而丕等慨然論列王不  
採納同流於禽獸而不辭也豈不深可惜哉

王弟釋煦還自宋初煦欲入宋求法文宗不許及王  
卽位率門徒二人潛隨宋商而去宋帝引見待以客  
禮煦請遊方至吳中諸寺王上表乞令還國許東還  
煦獻釋典及經書一千卷又奏購書於遼宋日本至  
四千卷悉皆刊行○四年秋王幸西京江樓名寺遍  
歷遊賞○以崔奭守太尉判吏部事金良鑑守太尉  
柳洪守司空○五年夏三月不雨至秋風雨暴作海  
水漲溢緣江廬舍舟楫漂沒覆敗不可勝計八月淫  
風傷禾○六年春發新興倉以施諸佛寺設齋祈福  
又親祀天地山川于毬庭以祈福○夏四月隕霜○

置新鑄十三層黃金塔于會慶殿○七年春普濟寺  
水陸堂火先是嬖人崔士謙入宋求得水陸儀文請  
王作此堂功未畢而火

史臣曰天其或者警嬖佞媚君徵寵乎昔梁武帝  
營同泰寺浮屠甫畢而灾天人感應古今一也世  
之惑浮屠之說者可以鑑矣

三月大震電新興倉灾困廩鉅萬燒盡飛焰蔽空而  
民屋無損者御史臺詰日官曰何不言火灾之兆太  
史丞吳相曰去年火星守天困具以報本局知事崔  
士謙抑而不奏於是黜士謙又罷弘圓國清兩寺之

役○八年門下侍郎平章事柳洪平洪武人精於春

秋左氏傳及兵家秘設每國家有虞疑寤寐精忠引

古策策多有中者又造兵車以備不虞○九年春王

不豫移御文德殿命內醫進藥忽作詩末句曰藥效

應禮切修諸善淨域超○參知政事崔忠諒卒忠諒

儀表端雅沉靜寡言秉國鈞主文柄名重一時○十

一年五月王薨元子昱即位王聰慧恭儉博覽經史

然遊幸無度多創寺塔天怒民怨災異屢興

**獻宗末場王**諱昱母思肅○元年乙亥宋紹聖二年

春正月戊戌朔風從乾來日有暈兩傍有彗太史奏

元日風從乾來當有憂日有彗近臣亂諸侯欲有反者王幼不知修省只引內醫三四人討問方書或時習書畫而已○李資義謀叛伏誅初宣宗納忠肅太后生王又納侍中李昶之女元信宮主生漢山侯昉資義宮主兄也以王幼弱不能聽凌萬機謀欲之昉至是聚兵禁中將舉事雞林公熙密知之諭邵台輔使上將軍王國髦率兵八衛令壯士高義和斬資義及其黨崔忠伯等十七人流李子威等五十餘人于南裔○以劄台輔權判吏部事王國髦權判兵部事國髦病不視事而威振朝廷○冬十月王禪位于叔

父雞林公熙三讓乃卽位○以卽台輔守太尉門下  
侍中金上琦守司徒門下侍郎柳奭守司空○加王  
子朝鮮公燾以下食邑其餘宰執躡等遷官者數百  
人工商皂隸亦有超授顯職者



